

浙江圖書館



浙江圖書館

浙江圖書館

靜得樓抄本

浙江圖書館

寧遠堂詩集

海昌陸宏定綸

山氏著

五言古

古意

十年卧風塵鬱鬱不得志
頽波不可激開流更誰恃
朝讀一卷書垂綸倚高樹
我本淪落人散髮從茲始

唐人隴西行

三年牧幽漠二年戍邊城
八月軍書急新開萬里營
秋風吹絕塞白日冷沙汀
封侯仍宿願但勿隴西行

訪三宜和尚

輕霞旭朝日策杖靈山顛振衣出巖岫濯足來愚菴自
愚菴自丘壑曲檻仍雕闌戶側不容車地遠絕塵喧煙
霞老栖息頽放無人間我亦散髮人藹若平生歡囑我
但頻過世界毋相牽

遊仙

終南鬱龍從連岡開石室煙霞靄虛無巖岫隱空碧廓
落尋仙居蹊壑無行跡自昔高山人逍遙避顛棘結廬
窮絕頂俯仰瑤池側寥寥千百年矯掌山林客

高臺傑雲構寢食展娛樂歌舞千萬黃金一朝歸寂寞
人生誰百年安能得大藥吾聞山中人結茅阻幽壑餐

霞吸沆瀣而乃如龜鶴飄然欲憑風長嘯歸神岳

錄別

凱風自南來楊柳吹新枝故人命千里戚戚辭親知操
袂不忍割落日泪沾衣停樽發離歌能使聽者悲那能
憐別後念此別離時

圖

青青楊柳枝鬱鬱桃李花盈盈倡家女脈脈臨窗紗自
昔與君歡盛年耀榮華君時正及髻妾亦始破瓜如何
一朝別相去天一涯君心如流水賤妾如泥沙歡娛長
斷絕金石鳴不諧

與君初結髮朝夕殊歡娛人生重離別况乃少年時開

河萬里行歲月勞長塗春風與秋露日夕羅衣襦迢迢
隔天末知君心若何

東園扶病喜白方來

青陽動園林和風吹二儀良時撫獨悲念子怒調飢策
秋紫雲顛言顧青山西青山歧相望春水流瀾瀾輕舟
發橫涇日暮臨洛谿別離經秋冬秉燭忘神疲何以贈
離思濁酒開襟期何以永茲夕長話清心脾歎息平生
交之子良復希高懷夙所歛金石情不移

送伯兄北行

按為辛齋先生

炎風扇南郊駕言發長途豈不憚行役千里輕崎嶇幽

栖托遼海塵外本自娛入洛非夙願度關寧棄繻長沙
悲過秦岐路憐楊朱明珠逢按劍何地容吹竽太行截
崔巍羊腸鬱盤紆出門懷故國搔首獨踟躕

丁酉六月十九日大風雨

黃雀東南飛鯨魚盤山隈狂風發中夜勢疾如奔雷燦
怒激羣萬凌震傾樓臺噫氣吹蒼梧竅裂崑崙摧須臾
雨亦急決漭沉烟埃揚沙仍折木神女行徘徊不聞擊
筑歌易水抑何哀安得便乘風稅駕游徂徠銜杯望朝
旭脈脈徒傷悲

寄錢雲士

侃侃每易折皎皎毋近名庸流纏百累達者謝塵紛素
心各天末道遠難為情西湖河愁索居東國懷人倫朱紘
澀函谷黃鳥調春林何當百年交動如商與參

阮籍詠懷

種瓜東陵內種豆南山陽逍遙脫塵累撫瑟流清商
薇藻誰為餐芟荷誰為裳陶然自巖穴入世無良方

左思招隱

大道各有託抱德豈無憑龍潛必終躍蟄伏將求伸胡
為丘壑中貧賤長耕耘世華非不榮水濁無鮮鱗伊昔
布衣士韋帶稱儒生韜精鍛鸞翮談笑娛天真

阮瑀詠史

丈夫不逢時氣盡誰能雄
搏雞誕餘力搏浪非良工
一朝憑風雲揮手驅蛟龍
大道或見拙運厄毋求通

謝惠連讀書

束髮敦前修讀書遵風好
八索析竒義九丘發幽討
古今洞瞬息優游滌懷抱
一言佩終身萬卷胡不了

顏延之從軍

四郊何攘攘羽檄馳邊關
兒男夙懸弧况乃值時艱
控絃捷塞北飛矢平安南
顧盼單于庭躑躅崑崙顛
生為萬夫雄死亦垂千年

謝靈運游眺

八荒有逸轍川嶽饒竒觀自非煙霞人誰能懷林泉春
條落秋日來日無朱顏胡不及少壯策騎揚輕鞭春風
拂幽壑明月證秋原以我擴然心安往不得閒

謝眺治宅

治屋不治第傍山開園林春流環曲廊楊柳披深楹秋
雲薄叢桂明月生空庭策杖憑危峯樵牧相逢迎全生
伴麋鹿世累何足縈

陸機贈弟

澹澹長江流渺渺孤鴻征分條折連枝散蒂飄春萍居

人懷遠道游旅難為情
落泊非所悲憶子獨傷神

二哀詩

子侯膺世難弱齡立奇節
報國輕餘生亡身入吳越
冷百鍊剛千椎不能折
奮策波濤間仗劍蛟龍窟
天運跛不平雄才惜殄滅

圖

子冲方外士夙抱本不羣
潛身握成筭遠漸揚清塵
展懷借前箸揮羽驅千軍
英雄惜成敗事去徒捐生
丈夫葬魚腹無乃非天心

贈巨宗

濁流傾奔瀾宗風跡如掃
吾師揚密教妙辨窮精討
談

經化頑石慧劍披靈草三緣宿解脫四智成獨早高林
俯中涇幽栖滌懷抱

韋劍威作客南還從會城過訪

三年別故鄉北上幽燕道韋布傾公卿肝腸託朋好俯
仰誰為容側身復潦倒契濶平生交天涯自芳草
濁醪
贈離思憂心各如擣

贈慧幢

結茅不在幽買山不在深薇峰面顏剎振錫開旃林芒
鞋入塵俗脫畧全初真慈雲發妙義密行韜金精伊與
相周旋談宴披清衿條風吹白日萬木萌春榮撫茲造

化理協我曠然心

飲率園

幽情託泉石市外開園林煙霞護丘壑草木相披紛溪
橋環曲流側路通危岑筍芽破春泥梅實吹清芬不厭
客頻過為我調山餐

送胡衛公賈藥薇山

并序

蓋聞銷聲處晦置長策于窮途養素辭榮寄生涯于
別技所以嚴遵成賈卜之名崔亮守傭書之業斯高
懷有託俯仰無慙壯齒雖奄沉冥何惜非絕俗而沽
蓋和光而渾跡者矣若乃鷄衣早敝履不全膚蝸舍

長局藏無擔石歎嵩山之鷲畚悲睢水之販繒傷哉
貧也彼有人焉况今日者滄桑草變之餘陵谷傾危
之際干戈塞道魂消九域之甦豺虎蹲林腸斷三江
之月渚草汀蘆行隨鷗鷺原航濕稻身在耕蕪且復笑
畫虎之未成念縛雞之無力于是退詣百工之術咸
登五會之壇自漸河旅舍槎客懸壺乃雲岫山田遺
民採藥並南州之高士本江左之清流將雄峙而齋
齊驅豈後來者居上胡子衛公清蹊右姓偏海波臣
早懸入晉之車久隱交南之肆伯遠之凝塵滿几繫
亦何堪仲連之蓬戶松窗恬然自適旋窺玉版寔探

性

金函爰宅薇岡始攜芝籠丹砂煮就即是銀丸赤箭
燒來都成金液將見華陀却席郭玉辭功直令易久
更名韜精返性不欲使灞陵橋上尚識韓康吳市門

頭仍知梅福云爾

入晉豫章胡勃事
剛事 伯遠胡鐘字

交南南郡胡仲連胡暉字

東髮詣儒術矯矯名家駒風雲變颺霧脫轡停中區丈
夫在立身操端抑何愚全生有餘枝夙好情不渝青青
石澗芝團團玉堂壺攜之自娛悅握彼羣生機

七夕風雨

落日沉西軒明星粲然稀陰雲薄天末四野飄輕霽坐
令銀河旁脉脉自停機嘉時不易逢燕私况無期悵惜

一水遙間阻情獨悲秋風譖長矣刻約良在茲會遇仍
苦難幽懷託朝飢

八月九日之夕猛雨驟騰凭西閣朝望

玄冥合暮色亂鳥翔高丘舒翼振一足傾注奔安流汎
濫原田波萬井沉滄洲柴門沒蒿棘庭戶維輕舟迴溪
激飛瀑凌緬平西疇高懷侔物外曠日澄千秋

早發洛渚登東山從東山眺南嶺

流雲旭朝日輕航駕徂征湯湯大地波蕩蕩江湖行桑
麻雜蘆荻杭稻齊蘋萍百川西逆流滢水平千門注屋
機杼荒沉灶炊煙停移舟住山足振履凭危岑東南裂

山岡風雨蛟龍騰造化理無際側身開幽襟

同西樵至日作

玄陰忽受謝升陽動南枝萬化渺無緒託性良在茲
栖烏輯離毛飄梗沉荒陂嚴霜扇寒風冷冷吹客衣
殘星落中夜四顧紛披離徘徊待明發耿耿愁不舒
千林急哀笛遠圃鳴朝雞天心見來復在剝胡獨悲

李劍石移寓當索湖贈

神鷺下高梧戢翼栖荒屋矯矯雲間鴻孤飛惜參差
幽懷悵誰屬託跡非生涯白日吹霜蓬大地皆氛霾
傷哉擇木心與世仍獨垂

十年歷間關，踰躋入戎行。運厄才不申，脫劍走方皇。潛
形去塵俗，蟄伏來山岡。朱顏莽憔悴，撫景行自傷。

金山俯龍盤，寒穴流神泉。川源育靈異，懷古思先賢。嗟
鶴胡不聞，狂瀾注平田。昔為在岡夫，鳳今為隨風鳶。

與君夙相期，願言浮滄洲。荆榛塞道路，飄梗毋安流。瞻
烏宅誰屋，俯仰懷邊樓。東泖環清溪，雷雨沉龍湫。鷓鴣
秋自適，一枝寧復愁。

白方執別已三年矣，扁舟枉過爰有二詩。

梅花發春條，芬香散園林。故人忽命駕，旨酒浮芳樽。芝
蘭蘊餘馥，契濶情益深。良時協幽會，朱瑟流清音。更殘

易華燭轉念平生親昔為晨夕歡動成商與參
皎皎中庭月攜手臨前楹清懷一何篤索處愧良朋夙
昔素心期令德胡勿聞非不重努力拂抑違初真青陽
動羣物春風燦然萌撫時良獨悲相將及良辰

偶成三首



朝採南山陽夕濯清溪流輕風蕩層陰俯仰林塘幽短
布垂雙蓬披懷良獨優陶然謝然謝塵俗生涯安足謀
名花發奇艷灼灼臨春風流霞浴晴日淺深雜青紅芳
華易憔悴零落同飄蓬戕條植其根萌斫私天工盛衰
會有時造化將何窮

長江自西來滔滔流不已東傾注滄溟騰沸波濤起蛟
龍出深淵瞬息仍千里不有南蒸雲醒作蓬萊雨

端陽前二日寧遠堂讌集詩并序

晚日纏危長雲變夏芳蘭可採將鏤五色之花木槿
垂榮已燦三陽之火斯迎令序乃聚羣公當居高眺
遠之辰為憑檻開襟之集蓋自壬辰春仲開白社于
花朝癸巳王正會烏衣于人日爰修舊好是有茲盟
執文禽藻玉而來申白馬丹書之信鼓錦瑟以調笙
樽開北澗撫珠盤而握輶地本南州綵筆紛傳並聞
江郎之豔新泉乍涌爭誇潘令之文談天妙理譬彼

雕龍煥景清詞方之飛兔莫不染翰輝毫分鑿齊轡
者矣僕垂髫放棄總角言交識愧陳留頗結山濤之
契才非魯國曾留張儉之徒及東郭之長貧致西河
之索處亦有鍾期之感還成未穆之書于今松竹誰
更投輪從此蓬蒿何妨沒徑而靄靄停雲復寄幽軒
之日嚶嚶鳴鳥頻貽空谷之音敢負佳期重陪良讌
念諸賢義切同岑人皆仇覽在不穀情懷獻紆自比
王丹各有生平無忘他日伊風流之託始指夙昔以
要終咸成竟日之歡乃卜長宵之宴煙霞送晚罷彤
管以分杯風雨論心進山肴而秉燭為記一時之盛

因成十韻之詩

朝霞散層陰微雨吹南颺危樓集羣彥佳會符良時鳴
琴彈白雪幽商發朱絲芝蘭託情素馥馥流芳蕤往余
問交遊中捐棄如遺高懷此何篤文讌分清卮求舊惟
先民夙好曾不移青樽合四座竟夕忘神疲顏風淪末
俗物態徒傾歌保終敦厥初勗哉慎前期

從大觀臺間道出紫陽洞

晴霞旭朝陽躡躅城南峯極望滄溟波蓬瀛際穹窿方
壺沉弱流碣石吹長風曠目排百憂欲濟終何窮緣岡
覓樵路轉側行跡窮陰崖滴寒溜山形垂四空左盼無

攀援右顧仍龍從，振衣絕懸壁履險情獨充。仙源出幽
澗，丘壑成天工。荒苔蝕殘碑，題字皆塵封。昔賢有遺車，
千齡胡不逢。

三友軒詩 并序

江左名家南州喬子鹽官聚姓本卜世于黃湖開府
分支遂移居于紫硤山南煙井甲乙樓臺澗表桑麻
崢嶸堂構門臨鳥水轉曲檻于幽廊戶引鶻流綴雕
闌于畫棟別署五車之室斯題三友之軒若乃千竿
鳳尾天矯雲端百尺龍鱗紛披天際疏林花滿近榭
為垣斷嶺香來綠谿鑿石皆先人之手澤謂奕葉之

貽謀茲果初始風流眷懷舊德者也僕浮裝無計避
盜相依得遇安期空有桓彝之識真同孝穆還憐庾
信之才擬懸榻于書幃竟開樽于客館操余彤管鼓
爾朱絲深更長漏秉華燭而言歡濡翰研霜賦短章
以志感

南州有遺曹治宅西山陽前巷臨交衢後苑通方塘中
有凌霜姿孤根託幽篁梅花發寒豔馥馥吹清芳綠谿
開別業石磴依蒿床摻摻雙玉條錯錯散琳琅迺知鳳
凰材行飛千仞岡

中秋坐月

浮雲落天末，皓月生東溟。蟾蜍動圓魄，璇璣灼虛形。金
波蕩明河，瑤鏡飛青冥。寒光流匹練，四射何晶荧。高臺
臨八荒，擲杖通仙庭。霓裳聆法曲，江瑟回湘靈。徘徊及
良夕，清霜中夜零。

贈毛于壻

圖

書

涉江云誰思，彼美天一方。山川阻且修，在遠良獨傷。顧
瞻南飛鴻，秋風塞我裳。采采江中蘿，佩登君子堂。堂上
何有所，珠玉自光生。談天索奇義，補辨原卜商。時出詩
辨天問
補註等
書見示披懷託情好，幽瑟流清揚。無由報瓊瑤，願紉芝
蘭芳。所嗛隔晨夕，引領長相望。

元赤三年值中原兵燹之后東南民命殆不能支
每愴然念及未忍出之牙齒安敢託乎咏歌友
人數以相繩爰成是什以寄殷憂亦楚老吞聲
之意矣

天心去不復大地源泉枯恒暘涉十旬七月暵秋禾三
年荐災凶郡邑仍催科所在皆流亡白骨填闕河李郭
專興平欲德夫如何兵刑毀西兌是干陰陽和東南疲
篚篚民命誠須臾行部徒回車魯穆空焚巫我吾生羅
百憂造物平必陂安能荷耕鑿運厄無良圖

重九後一日東山晚步

陟岡尋幽來采采黃金花佳辰值再會勝賞披煙霞楓
林抑何丹燁燁流霜華累累蔭未寔飄飄落殘葩我本
山中人曠目窮天涯寒雲布八荒冷雨沉嘶笳顰眉憶
文峯高宴思龍沙鬱鬱南山陽誰令臨狹斜一曲烏不
聞縹緲乘仙查是非天台游安能得胡麻鼠糞拾遺穗
盈掬揉蕨芽相將餐羞籩菜酒浮玉窪

除夕奠

盈盈一樽酒脈脈把向誰再拜涕沾巾叢叢陳空幃行
徨盼屏筵悵恍如或來靈旗寂無聲、何由見音徽今夕
復何夕緹室飛吹灰陰雲逼簾幕銀燭慘不輝長辭涉

七夕^句魂魄不暫回豈從神仙遊永與塵夢違思君不能
忘展轉生餘哀願為天池鳥隨風入泉臺雖絕平生歡
聊分迎年盃茫茫浩無期紆軫中腸摧

元旦奠

朝日照簾櫳吞聲不能起孤衾亘長夜轉側誰為語葦
索傍靈筵銀幡臨素几恩私一朝盡安問三元始稚子
褰衣前逡巡進咻尾生者自停觴死者焉能舉不聞椒
花頌但感辛盤苦春氣動園林澄景應無幾分析及中
年況結誰堪此昔為公衾人今作重泉客^鬼屠蘇不成宴
惻惻情何已忍使衰年親含啼泪如雨

百日奠

一日如三秋百日仍星奔我懷鬱未舒戚戚無朝昏凌
風盼雲馭飄搖憑天閭幽明忽異路何由招汝魂念彼
雙飛翼安容暫相分豈虞並頭花半落令半存歡娛及
時盡哀惻方獨深開箱感遺澤夢返憶同衾同衾再得涕
泗空沾臆青陽蕩春朔東風吹我室萬物萌生機、、
斯人竟灰滅大塊我何私淑質世罕匹本為神仙姿焉
能久塵籍造化終忌人中塗竟相失吊影成孤鴛操絃
撫哀瑟惟餘不盡心報汝平生德

戊申冬日剛諸家近選新詩欲廣搜名集遂東遊

笈指燕山賦出門

以下遊始錄

家居不得志策杖走四方男兒夙懸孤寧事守故鄉窮
達本自致世累非所將烏為千秋人戚戚徒嗟傷褰裳
涉大路不治游客裝左持一卷書右手提藥囊安在有
所營驅車凌八荒但令曠然心行與山川長

淮安道上寄徐蘭生曹秋岳朱近修大可仲謀諸

公

往予詩文交褰裳問諸子選林擇喬柏操斤伐岑梓相
標安所期高山託仰止芳蕙未及蹇平田遍荆杞巖穴
恐不深軒車復閭里迢迢夙參高紆軫闕河始

寄白方乾初諸公

河汾各韋布志行迥不羣
銜銜鴻輯翮高揖辭世氛
著述成一家或史或翼經
肯會百代流后死無斯文
在昔忝末席寒暑不暫分
茫茫獨行役俛仰非生平

寄雙白麗京諸公



吾友圭璋彥逃墨每不返
此澗無恬波彼岸恐或緩
崎嶇歷南北艱難出夷險
遂令忍草生并斬靈花斷
駕馬獨不前三車路彌遠
為我問惠休新詩笈應滿

亡妻服除日

汝死忽經年予行歷秋冬
孤蹤任飄零戚戚將安終
無

由一麾戶奠灑泪臨霜風哀絃不成聲餘響那復工聽
者惻然悲謂我遇何窮中捐涉憂虞藁藿誰為供汝德
愈孟光顧我非梁鴻念汝平生言脫險憑歸達

臨清遇沈夢聖

峴峴大行路沕沕秦乾流征人畏寒律自抱山川憂我
友賣藥來乃作燕齊游埋名託闕吏大隱非林立一椽
面城南握手斯須留夫乃各自疑俯仰將安求戀戀綈
袍心款款津梁謀斜日蕩清淵彷徨舍別愁

過南庵

往甫束髮年每託方外交濟濟臨濟孫各各聆丰標平

陽植南木不受風露搖蘇牧近逃墨渾跡全漁樵三峯
二三子選勝俱林坳佛日一代才金粟情獨高晚得從
南屏共聽江心潮復記洞門游每憶愚庵招短笠坐煙
巒攜手西冷橋逝者既已渺后起誰其曹南庵夙名宿
法席臨波濤頽流激淮泗策杖憑金焦談詩邁時輩自
為春陽操不拒靈運來但使塵心消訂我南錫期待誅
鍾山茅念非祇園人世網安能逃婆提律初地彼岸日
漸遙往事厯可追行矣霜蓬飄

同徐蘭生過蔣正言南園

以下辛壬癸甲詩

秋煙翳朝旭躑躅城南隅園林鬱鬱相望中也幽人居平

田環曲流修竹盤踈籬殘荷剝蓮實芳蕙何紛披大隱
不在深總與塵路歧但令裘羊來相對忘神疲

過磎默與爾錢爾斐

扁舟出東郭次第尋名園門對長河流重垣迴林田主
人愛丘壑鑿鑿境通新泉手栽百尺松亭亭欲參天荒臺
面幽閣一榻長復懸招蘭生館
吟安閣徘徊不能去頓使塵心
捐

過客園懷龍門先生

落日興不窮維舟復何之循源出精舍選勝臨曲池樞
衣渡層梁攝足穿危梯東岡蹶喬林側徑通西隅四顧

何曠然千載懷襟期感激平生知俯仰空淒其

過管長發

繫余分湖來伊人天一方相逢即平昔再登君子堂
襟陳芳看金尊浮玉漿款款加餐飯歷歷披肝腸開襟
妄酷炎撫瑟瑟調清商願言各自愛貧賤何足傷

與錢孚九

弱齡挺妙質奕奕名家駒在璞胡不雕保此連城瑜楊
鄙末技志學思宜宣尼大器無速成熟稼還待時一經
守遺業入世安所期宿草徒黯然勗哉青雲姿

祝聞母七十

并引

以下乙丁祛歲集

蓋聞天道無私兆嘉祥於藹吉仙源不遠邀燕喜於
闡庭謂承歡無逾乎宜家斯式好徵休乎介壽我聞
母夫人者少日徂貧羨陶耕而翟餉中年教子比程
女子蘇門茲分南極之光爰紀西王之會乞九鍊之
松霜長依玉帳授三天之花木自採優曇並舞斑衣
爭傾丹液此蕙梗蘭苗念箕裘克紹但兄壻弟瑟即
菽水何傷來從奔走之末行應進岡陵之頌美敢倡
俚什冀遍瑤章

陟岡採靈根歸以調玉觴佐之紫霞丸參之白琅霜王
母乘鸞來五色驅神羊會非昌容儔何由挹天漿側耳

聆壻鏗鏘叶瓊篁是知金昆賢和氣鍾休祥陶然各
初真文采披芬香慕藿饒餘歡為樂方未央

落梅

梅花發新條馥馥當青陽晴霞爛然明臺榭生輝光春
霖不崇朝飄落隨風揚觀者一再歎瞬息填路旁造化
忌物先榮謝何足傷亭亭歲寒姿卓哉異羣芳

久雨

自我徂東山零雨苦不休翻然從洛下霖霖鍾春愁芳
蕙慘不香寒色浮金甌悽風互長夜四壁紛颼颼歸來
署三徑急漲迴新流釜空自輕生魚兀坐聽鳴鳩庭隅積

簷溜吹浪平
麥疇東南變
飛唇氣肅如
深秋安得扶桑
雲擁日升丹丘

評史

射蛟長河源
射狼中山陽
狗物非輕生
除害殫所長
群儕騁縛雞
叱叱紛披獨
斯人夙蒲伏
拂抑恒愴囊
豈繫拙自衛
求達寧一鄉
韜精若垂翼
運厄還退藏
可測非全才
欲速徒踈張
置身若履險
壁立憑危岡
日并無絳灌
顧盼何汪洋
一朝奮風雲
雷電全飛揚
操刀在及鋒
蟄屈安足傷
但存千秋心
與世如相亡

枋兒就館禾城賦示

以下迎夏集

予生當不辰幼為無父孤中更涉艱虞貧至無立鋤糲
糲繼中逝遺孽方呱呱甫為京華游適令童僕痛遂不
旋踵歸三徑垂荒蕪羣兒各寄食朝越夕或吳產去留
徵徭縣吏頻見呼孝廉捐墓田黃口紛角租入飽飢鷹
腹輸納長支吾蒼皇畢兒婚衰老力漸蘇椒聊肩父任
棘手恒食荼茲慮復未輕耿抑神益枯枋也更伶仃少
獨形影俱壯即餽四方役役常在途斯成硯田謀近栖
鴛鴦湖南北忽異地惻惻悲霜烏念汝尚單衣肅冽寒
刻膚顛蹶三十年物極將曷逾本無稻粱計幸免傷弓
軀安知是非福獲保業破離此意聊自釋豐嗇理或符

久剝非天心行也慎勿渝

晚渡東村尋菊作

微陽蕩西虞戎甫東籬來黃花燦然明對此鬱暫開衆
卉各萎謝柔質凌霜威茅簷發寒豔美錦披荒萊造物
理或然消息安容猜主人敬謂客應憶前度栽花今適
如昔顧客非昔懷未顏變衰鬢冉冉芳華推昔為少年
游撫景今獨悲

十週奠

予生忽五十汝死已十週惻惻恒獨悲但唱誰為酬困
石據蒺藜生計轉不謀池亭盡非昔與汝適夢游宛然

故時居珠楹白玉樓銀燈迴窈豔鳳枕鴛鴦憐侍婢雜
沓前掩映珊瑚鈎薰爐蘭麝紫笋沉金甌醒來怛焉
失涕泗紛交流寒雲變嚴霜天風吹十洲仙馭抑何遙
飄渺尋方丘

屏居丈室作

圖

我躬閱喪亂先業復四焚殘燼不容足骨肉今暫分別
築臨墓廬帶經鋤荒雲秋風破茅屋肅殺蒸稷祲氛頽巢
集散離一椽更重琴方丈塗新洗蝕粉剝玉文何妨窈
退藏形影自為羣驅寒挹朝日握槩留落曛

苦早行

七月一日初秋日作

今年復苦旱河裂如裂冰農夫喟然歎冬入必不登矣
風噓枯禾秋氣恒鬱蒸赤地習為常川竭山卒崩辛壬
厯丁戊儉歲復被兵犇役既不遑輸納愁日增于茲十
年餘人力安能勝以吾測天意是亦何足懲羣陰煽驕
日陽氣慘不升坎離失恒位龍德口口口汝儕恬莫怪
赫哉將是膺緩死但須臾相將維執兢

鶴湖三友詩

以下更新集

管長發

結文不在深片言托平昔襟期投所合始終適如一屈
指分湖交伊人夙天末亡產謀復韓仗劍陳吳席

參大樽日

生兩先
生幕
往事難歷追山陽吊遺宅

錢爾斐

梅花宅雙鵲孤鶴頻復過停停各毛翮風雨披煙蘿謂

我千秋人三變猶初禾

公政予詩語

感激平生言金石矢不

磨哲人姜朝露有泪空滂沱

蔣正言

南國有奇士老大夙見稱瑤璋蘊天授蘭蕙培芳莖讀
書取前鑑作賦牟上京伊昔相周旋款款情不輕已敏
託紉素白雪一再賡撫琴忽長慟哀絃空復聲

渡赭山

歲暮無所營扁舟駕東越行李僅一肩飄然御風雪漸
氣忽朝蒸寒沙凍微烈我馬驅不前招招促奔駛兩山
峙如戟雄濤截蛟穴履險復若夷一葦褰裳涉

入天童

我行託方外爰拉歲寒交我友病不前止宿移清宵侵
晨挹晴色策杖尋竹橋丈亭買江楫日暮垂落潮再宿
入天童敬側覺路遙山深佛燈暗履齒憑松濤蒼茫報
方丈驚詫疑不消是恐非西頭何來值歲杪攜燈釋然
笑為慰塗路勞主客旋各亡適哉仝山樵

天童謠

我來太白山山峯白如玉
曉日散凝陰春風逗微綠
山形四圍合如襄山中
屋離離百尺松亭亭萬竿
竹生氣還鬱然煙霞浸
溪谷在昔開山人仙童
衛巖曲長庚復流焰天
心又誰屬

金星玉佛

天和年間廉虎鑿玉深碧色斑文如金星

山是長庚山玉是金星玉今日又天和春風遍巖谷

獅子栢

南岳后栢枯者四百年至密雲復茂

庭前栢樹子會取西來意栢子自枯榮了不關興廢

玲瓏巖

去寺三里而上

策杖玲瓏巖山歌不容足試與問山靈山雲恁飛伏

后出門

江州行曆

匡廬在望懷此者三十年爰藉故人一尋名勝或溪
山有待當不負褰裳也

家居歷坎壈不畏行路難跼策疲足朝發無夕餐未
行我僕痛游色慘不歡昔為稻梁謀驅車出燕關踉蹌
復三徑雙鬢旋欲斑茲行更何意垂翼全孤鷺山川本
夙好鼓楫輕波瀾扁舟任所之適哉天地寬

經象山書院

昔賢有遺跡渺矣天一方三峯肅祀廟特起臨鄉江

三峯

祠去院

一里攀躋一再拜凜凜欽衣裳感歎旋復生四顧披

榛芒清池既云竭良田亦已荒雲山變歌仄蕭颯飛初
霜先澤不可作終計行自傷

夜抵佛日 以下倦游新草

我愛黃鶴峯峯峯自迴抱山勢蹲復飛山形獨竒峭經
臺馥蘭麝金剝剝鷓鴣日莫途欲窮行歌復長嘯側徑
盤危蹊前岡遍寒燒直上五雲端恍出千迷道

入龍井

平岡漏湖面丘壑頗不深歲復一再過遂此泉石心風
簞蘊朝色木落飛千林飛雲削寒溜滌我塵外襟迅宿
戀明發旅雁方哀鳴

月明懷舊

十年不入山山川並非昔拱木不成陰原田剝寒寔蹊
橋獨如故故人復天末存者不更存泉臺遍枯魄蝕粉
落書床荒苔襲槩石臨風一泫然惆悵空堂夕

八哀

并序

八哀者壬戌之秋聞景宣訃因追思亡友而作也往
修山樓之好期而集者十九人清溪續黃鳥之歌三
良不可得贖矣二仲交喪于盛年韋屠繼死于客路
乾初魏美右吉近修並登鬼籙雙白則十年不可蹤
蹤跡存者惟白方梅庵太冲馭鴻子葆錫堯雖山陽

之泪屢下而楚些一未之成焉若景宣則友而與公
譜之義更不能自己于斯也為賦短章歷補哀誅共
凡八什以當一慟云爾

昔罹文字禍妻孥並縲絏脫歸竟逃禪芒鞋入東粵惜
哉平生志高才獨顛踈懷中一卷書恐化長弘血

景宣

山陰緬遺烈之子天一方鏗然出華胄皎皎名獨藏文
章亦條達毫楮生光芒風流託來葉沒世令不忘乾初
潘溪一下農卜築幽溪陰人倫復東國領袖俱南金一
變梅里習雄壘咄咄侵哲人既云沒餘此千秋心
二仲起海上粲粲名家駒羹牆各先烈金石夫不渝

季

方固弟難

伯載才亦無敵

雙龍亦平輿

駁生近氣博學

朝華忽零謝墓

草空復萋

仲來仲謀

韋公情獨厚身悴神若枯予昔客燕邨朝至夕復過曳

裾金湯第夙好仍不磨何來一騎鶴引領歸天阿劍成

往予留山中煙霞自栖息徐汪兩孝廉詩文共晨夕旋

探洞庭波東臯竟睽隔存沒各不堪悲風動無末魏美

山濤結平素獨與稽康親詩名各旗幟塵尾探清塵東

方更諧譎玄理出愈新歷歷百官圖青史誰復真

右吉

屠公篤天性鄉里稱少游高堂竭肥甘粗糲供朋儔生

徒徧南國刺促苦不休坐使山林人征魄隨江流

閻伯

春日漫興八首

春風入人皮春雨膏人骨萬物群向榮萌芽藉枯木庭
發幽葩池水澄新綠天意本不私吾行更安屬

人生當失意如虎不在山蒼皇避群攫威振良復難如
鳳攝幽穴文采空凋爛非不自矧翻身青雲端途窮
適栖息但使毛翼完

昔逢嚴君平開簾為予卜卜終三數息天心抑何酷在
剝三十年艱難脫輿輓履險適若夷居貞謝榮辱不見
歲寒松青青峙巖谷屈指直如期何當自來復

十七事風雅自命錢劉間文章淑陶謝亦見虎一斑擁

書却萬卷百城真等閒秉燭輒冬夜不知殘漏寒揮汗
聽夏蟲吟苦無長炎丹黃編甲乙隨輯隨復剛恍若遇
古人並登千仞山古人不我見千載愁朱顏

燕昭昔臨軒為築黃金臺策始自郭隗岐路空徘徊留
侯復推轂亟稱蕭何才天心抑矣劉浩劫沉飛仄褰裳
况濡足惆悵芙蓉媒坐衙不報恩沒齒埋蒿萊

高堂憶留髡鼎沸無安席扁舟遡回浦棣棣雙飛翼經
冬忽在疾百兩愁倉卒縞衣竟稚髻尤喜同陶翟沃盥
垂廿年羅襦怨秋裳遺佩展空闈蕙帳餘薌澤

雲容

張姓

固再生繡嶺披霓裳雲翅揭雲英玉杵捶玄霜

是非今謫降何由遇裴航式好無或尤左瑟右亦簧旋
復佐樛作朝夕殊不遑遂使伶仃軀惜哉成膏肓
翻手却作雲覆手直作雨在在滿荆榛紛紛遍螻蟻幽
蘭雜岐路孤鳳垂修修羽郢曲本不高下里難為語達
士祇曠然和光若夷矩不有萬頃波汪洋獨如許

陳翼風為謀行橐詩以謝之

謀野集

澗白以成溜素質不復完削方以為圓觚稜安更全凜
茲式兢兢保終知獨難本非別利器盤錯磨盛年聲色
非所營輕肥非所貪烏為坐困窮兀兀恒飢寒故人念
貧交尺一一再三分無入世才躑躅還不全棧固無貯

豆即行誰為餐進退揆初哀俯仰或自寬終非善後謀
喘息如絲懸感君發高懷春風加我鞭駑馬忽奮發策
不再占丘壑雖夙願葦瓢雖夙甘飛翰遠或離一驅崑崙
顛居念不違俗行亦隨適安高山自成山深淵自成淵
持此千秋心明月彈朱絃

哭宇台

有序

圖

西陵老友相見盡如弟昆而景宣魏美宇台來還獨
密今並入鬼籍矣洞庭櫓櫓抗手秋風嶺表枕柳鷄
魂瘴雨何堪此日更吊孫登地下有知應皆矯首也
吾友人中龍披華亦茹實談經發竒義生徒遍南國顛

毛歷關河往往虛前席一別兩變冀仙源
揖歸客昔為衣裳會編聯若雲集存沒既飄零
出處復睽隔斯人永勿護寤歌協晨夕城郭自
依然華表空消息

西陵二子古處夙共敦吾徑沉蒿萊索居誰復羣
汪倫最先逝士衡無歸魂不虞到頭交今日還
哭君所親獨垂盡后死慚斯文山陽式憑吊荒
草披孤墳朝墟北邙煙夕攄西山雲茫茫大地
波一捲千秋心

案頭偶拾一箋走筆二十四韻

東海一下農不識稼與穡但解飢寒愁經歲
恒戚戚昔予甫束髮負荷先人澤處身萬仞顛
奚啻契與稷鄱陽

非誕言先鞭愧祖述亡家結三戶居然鄭莊驛天心一
再去東海濤既息南雲落窮荒并滅臺城跡尺一自金
山五日千檣集予舟未及發倉皇報奔軼化人葬魚腹
大樹蛟宮得從此宅林泉迴塘植榛棘田園去垂盡追
徃茫如失四十遂飢驅燕雲一吹瑟五十四江行俗吏
世罕匹甲夏午月圓馬首復從北吾行未百里孤帆陡
危疾驅車向陁山幾葬衰年骨遂不旋踵歸搖搖若行
客春風吹萬動草木皆生色或鼓亦或違離然散芬馥
兩枕兩易蓐長炎煽平陌親故無一顧悉若泉臺隔髮
短心或長油然自朝夕

寧遠堂詩集

海昌陸宏定綸山氏著

七言古

董太史春山夜雨圖

千山寒雨雲如墨，疊嶂層巒疑一色。
半幅蒼茫浸碧濤，參差一帶空煙溼。
茫茫近遠畫不成，離離萬樹雲端生。
此中刻燭知誰在，幽絕春山聽雨聲。

贈別三川余采叔

關山萬里黃塵暗，作客江南重留戀。
兩鬢飛蓬杖百錢，一肩行李書千卷。
迄今十載尚飄蓬，山川異國經遊遍。

何處天涯問故人，殘山剩水悲鄉鄰。
梁鴻已見易姓名，徒向人間識君面。
憶昔逢君似舊歡，相逢擊筑還論劍。
鴛湖春雨共垂綸，秋風把釣橫塘畔。
翻然離別總不堪，驪駒歌起聽來倦。
王孫短屐未歸來，青青草色開芳甸。
知爾遊鞭到處羈，中原回首哀茹斷。

代壽陸母



平原才子風流客，早歲聲名著經術。
梁丘說易每錯錯，匡鼎論詩世無匹。
迄今賣藥向人間，還識驪駒重南國。
醽酒高堂一進觴，門前車馬紛如織。
雪藕水桃雜沓陳，迴鸞轉鳳飄飄集。
有子如君已絕倫，芝蘭諸弟香盈室。

萬里風塵勁草摧一枝早辨千年節夫人應瑞本仙姿
鶴髮朱顏看引翼芝田瑤草那足驚扶桑幾結如椽實

寄澹歸東臯

金堡號道隱後為僧號澹歸

長隄苔徑荒塵積池塘亭榭風蕭瑟野衲飄零此息肩
晨鐘暮磬經聲寂我始停車一扣關相逢邂逅傾肝膈
自惜才名隱曼陀十年作賦空投筆時危仗劍老風塵
三載顛連放逐臣英雄跋扈今時事儒術從知本誤人
間闕萬里獨歸來回首湘江莽自悲青山故國皆如昨
廬舍田園安在哉憂時憔悴身如寄不向人間釣聲譽
落泊生涯何足論托身聊自全吾志嗚呼白日黃埃蔽

天地百川茫茫仍東逝但令一日見河清即填溝壑長
已矣

挽月新

歲惟辛卯夏六月上人厭世長捐別息死離喧擲錫還
蕭然直令塵緣絕近日堂頭實草草風塵馳騫真顛倒
競入侯門出薦書緣疏乞文扇乞詩結交富貴乃得意
詩中乞道深相知吁嗟此輩那足語臨濟風流直如許
上人策杖本隨緣寒不增衣炊無米二十年來辛苦心
死生安樂何足論

落花篇

春來風雨千郊足樹底名花澹膏沃溼露寒煙暮復朝
孫紅剪絲輕填玉三月江南花信遲催花又惜雨絲絲
年年上苑花開日最是今年花落時迴風飄墮飛無力
縈霞投草紛紛擲杜鵑殘血一聲鶯喚反花魂枝正碧
榆煙如黛柳青青剪剪桑麻野綠平穠華底事茫難問
祇向風前泪暗傾

久雨

花塘綠暗青陽老川萍岸柳春回早十日枝頭少女風
三春郊外玉孫草前谿漲水東流急前山靄靄煙光溼
玉女投壺快得意憑夷鼓動鶯濤衰苒苒如絲映佳節

霹靂春霖發子決天下傷春不可愁直望寒雲千里滅

贈李見石

十載中原盡戎馬海曲哀笳聞四野惟悴人間有陸郎
李生與我齊年者李生南國本奇才弱冠風流世共推
揮毫筆掃千軍陣雄辯春從四座回時移事變紛如織
幾見江山淪白日宮門皓月冷銅駝園林陵夜霧披荆棘
於時陸郎徒結客束手風塵漫無策李生草檄起江干
親提弓矢前無敵從來厭亂本天心豈意刀兵禍轉深
披靡萬事俱難問時去雄豪泪滿巾西日揮戈亦何益
披緇削髮潛形跡遂移桑籠閬青山飄泊東南天地間

但令吾輩時論劍濁酒招攜試往還陸郎春正忽危絕
李生翩然過巖穴一劑能令予復生再過捫虱教難別
李生李生奈我何李生李生奈若何

晉山行寄孫善長

乾坤合闢雲雷解澗水朝飛流四野野馬塵埃自古今
茫茫誰是長年者吾聞終南鬱盤折石室寒崖獨幽絕
縹渺蓬萊澗外牽嗟峨萬乘必崑崙穴餐霞鋤石彼中人
異草竒花汗漫春相逢歷歷千年樹事造化滄桑世幾更
昔賢訪道曾過此丹砂親授神仙旨術大曾懷濟世心
一瓢重到人間住殘山剩水世全非何地還容杜德機

皇皇物態誠難問役役塵緣祇自疑長史西山化人蹟
自然竹杖留巖石依然白日有升沉風流會見胥山匹

上元前一日曉雨

館

春山霽靄春雲溼溼溼曉雨沉朝日澌霧江煙入望愁
汀花渚草傷心色簫鼓千門動地來錦幄銀燈迤邐開
昨宵自剪幽窗燭一鼓朱絲夜瑟哀

接徐有兼書

春風攜杖窺寒圃漠漠春雲變晴雨憔悴殘花動北枝
徘徊落照沉西浦故人忽致雙魚素為道相思意彌苦
已見炊煙隔歲停更無柔屋牽蘿補貧不堪憂病益深

生涯飄泊歸仍左書中反覆十年愁慙慙直令肝腸吐
讀罷潸然泪不禁朱絃為爾悲難撫兩地還全此日心
青青芳草回南土側聞天外起鳴鼉雄濤夜壯潛蛟舞
萬里關山倚劍看只今誰是人龍虎何妨投筆問中原
不然且採汀洲杜

會城苦雨

圖

昨夜星河沉不起西山忽散千峰雨密靄濃霞汗漫收
蒼茫極望浮巖嶼冬風淒切動嚴城我向明湖已十旬
霜寒雪冷征裘敝單枕孤衾客思侵銜杯刻漏傳宵鼓
別院更闌自歌舞可憐羌笛雜秦箏胡音按入吳歛譜

羈人愁絕莽牽情
燈地驚回旅夢清
乍聞午夜雞聲度
坐待扶桑皎日升

晚度錢江

秋江雨過濤如雪
殘陽晚擊中流楫
旋卷危檣落怒潮
奔騰萬馬蛟龍窟
我來湖畔偶江濱
飄泊天涯賤此生
回風噴面鱣鯨沫
噫氣吹人那漸平
長沙竦鼻靈均死
高秋零落三湘芷
砍水何當罵伍胥
開舷豈必跛男子
遠江縈帶遠峯青
鳧雁舟船散遠汀
停柳滿眼荆榛地
橫笛哀笳不忍聽
揚鞭東指城山暮
宜都去問西陵渡
舊壘新看劍戟明
江花江草傷心路

哭亡妻六十韻

秋風澄池河流決洪濤汗漫蛟龍窟九地長鯨潰九天
千林泪染千年血山搖嶽變幾推遷浩劫寒灰死不然
乾坤噫氣吹無際鍾我沉憂莽獨憐十月之交朔辛卯
陰霾遍野凋芳草慘淡蛾眉絕命辰珠沉玉折心如搥
三號投袂履危何閤闔停春巷不歌衰楊夜落落溶溶月
飄梗朝流淡淡波人生炊臼誰無此熒熒顧我悲方始
行志符融殆土埋傷神荀粲經年死情生于愛愛生哀
亡愛亡哀首重回單形隻影生猶死誰死誰生恍自猜
綿綿長夜何時旦冷冷丹旒魂應返展轉平生未盡緣

未垂青泪腸先斷憶昔乘龍卜鳳年出洛明珠掌上
看甄妃豈必巫山見楚女東隣總避妍鉛華芳澤都屏却
芙蓉朝夕風微着本不傾城不易逢威儀棣棣仍於束
鸞笙吹徹起鳴鼉甫煖鴛鴦正枕戈霜橈雨漿朝粧罷
露寢風餐執櫛初烽煙歲老人蕭索編籬築圃營丘壑
縞綺俄為裘褐人伯通廡下前操作風塵何處是蒙山
載畚誰煩駕往還謀生復爾非亡漢蕩產何由更為韓
黃金頗向交遊盡顛連徂我餘三徑擔石揚雄未足多
文園司馬貧兼病關情兒女漸成行半菽高堂髮竟霜
旋分十口中年累織罷傳經夜未央愁來每共凭闌語

未吐春萌歷秋雨共爾朱顏尚及時甘從苦後知甘爾
星移物換渺難憑江草江花異地春剝床敢問天心復
什一無勞鬼並驚柏舟載汎崑崙竄從我何求類飛翰
魚水今生但到頭貧終隨我真吾願支離藜藿計全非
短布親同挽鹿車矜卿媿女辭天漢幸不飢寒念祀餘
入門夙諳尊章禮戰戰的心晨盟繼危匹佐餒每忘勤
大家寧愧班彪女抑搔寒燠始如終顧復恩私訝更同
身閑趙母臨行教續訓爭誇韋氏工垂髫哭父憂如昨
北堂願搗長生藥浮家携倚致中捐冰肌兩為泉臺削
悠悠此恨本無窮似爾中年涕泗中靈旂縹渺朝飛魄

繡閣縈紆暮倚風夢回殘漏疎鐘起子夜吞聲淚如雨
從茲危疾染膏肓教鋤藥圃嗟何補一朝伏枕竟彌留
身后空令萬事休初無岐路褰衣態但感尊前德未酬
膠絃那續垂殘絃流光攝魄如追電闌苑歸程恐後期
人間謫籍教難戀全君纔及尚平初戟手經共袂拮据
玉膚憔悴分憂日不緩須臾永別裾倉皇百兩絲垂繫
中箱聘是鮫珠貯鑿木庭南且未懸夷盤翻為盈門置
繁絃急管不成聲華檻空梁_落月橫憐君冥路能知否顧
我何堪此際心衰親稚子茫無緒滿前都是傷心處
刀尺依然楚葦空鏡奩罷御箱裙敝不能求死不能生

夢裏尋君夢未醒
明知百歲俱成夢
忍負三生夢裏情
祝曹鑿躬司農
五十兼祖陽和兵備之行

秋雲嘹唳秋江笛
丹霞却眷璇霄籍
海島群真自十洲
麟脂螭髓分金液
從辭紫府到人間
射策還先祖述韜
幽燕冠蓋交游內
顧盼天都絕少年
早歲林宗名獨顯
奔塵願識荊州面
倒屣親曾引仲宣
掃門誰更無因見
文昌曳履入新朝
華選風流望益高
中臺帷幄推三署
溫室彌綸總六曹
星移世路方荆棘
抽簪合返朱輪客
仍開萊徑許裘羊
歸來復滿當時驛
烽煙故里問飄蓬
屈宋愁深賦愈工
雄文肯落思王后
逸驥尤看一代空

方壺未穩安期爲東山絲竹教休慝本爲蒼生起謝安
遂令飲馬邊城窟江干南國近陽春遙指陽關送爾行
紛聆甲帳回鸞曲并進西藩勒石銘

西湖雨渡

奔雲四起青峰失明湖急浪沉西日山腰隱隱度輕雷
東風吹雨嚴城黑單衣短楫客愁何漸吐殘陽渡晚波
冲舟一鶴長天下回首煙霞旁芟荷

九日

秋高搖落黃花開玉律金商令序催一天風雨沉朝日
遠笛初驚曉夢回人生美景終虛擲歲往俄傷九日來

含毫獨對茱萸杯東籬寂寞客思哀昆明那復中流楫
何處彭城戲馬臺鶴林杜鵑今成友安得鉢藥移天台
龍飛鳳嶺空崔嵬劉弘山簡安在哉顰眉緩頰不復作
千載文峯蕙草摧我今懷抱更誰托何由撫景披荒萊
樽中有酒聊復盡參軍陶令俱仙才

丙午元日

條風昨夜回寒律三辰運改開初澤婆婆蓬戶起滌裳
春禱已着三竿日彤庭彩鵲渺天涯玄黃黼黻無消息
蔓延魚龍那復陳椒觴顧我愁如織廿年慕藿不成歡
屠蘇欲進今違隔滿前兒女總關情英雄氣盡還沾臆

萍梗飄零愧此生艱難中歲身如客操罷冰絃白雲篇
銜杯且挹南山色

古桂行

館

瓶山西峙爰山路八鄉都種梧桐樹水接蒼南一派流
兒林市是俘兵處有客親誇此奇_地千年古桂人爭異
看花不讓五陵豪寡試問毛家渡秋霜漸冷秋氣高
白蘋未蓼風蕭蕭沙棠槩子木蘭柂晚泊荒園夕陽滅
五更殘雨日曛暈夾渚芙蓉散曉紅扁舟莽指孤城北
來詣花源甌嶺東停桡旋傍汀蘆岸顏垣一帶雲零亂
自穿叢棘俯危橋居人指點丹楓畔沿溪茅屋兩三家

尚有殘香剩落花扶蘇已愛亭亭立參霄更起東南陌
中間四樹復分行橫條蔭地俱千尺盤根西局垂若輪
圍如帷帳容百人移枝應在姮娥窟團欒覆取人間月
乍聆山佩引天風恍然身到蓬萊闕商飈欲謝序欲移
我今來此非花期徘徊欲去不忍去總后花時暫留滯
漫向村農叩顛末老翁為我腰鎌至不知培本是何年
相傳遺址將千祀甲館朱門數變遷侯家宅第成桑田
后庭玉樹今寒煙東岡北樓殊不然

相傳四桂為后庭
花北為樓以內東

其園址也但
不知誰氏云驚蜂埃火川源沸歎息名花路傍棄當時

金谷竟灰燼雜沓秋霜馬足塵攀折此花何足惜苑苑

禾黍蹂如織莫教劉阮誤花津幾回花外漁鄉失撫今
思昔不勝悲二十年前全盛日冠蓋連翩駢若雲繁絃
急管無朝夕側聞此語心惻惻造物蒼茫泪沾臆淮南
叢桂紛凋殘大山小山白日寒皋塗八樹還存否桂陽
天竺終枯朽是地安能獨長有教君來日忙攜酒

淮陰百十四老僧歌



蘭陵城外梁谿路孤帆晚泊犇牛市市人為指市西徧
老僧百十齡加四落齒前年更復生朱顏墨髮童相似
夕磬朝鐘日未閒幾回來到街頭步沿溪漁火夜將闌
莽向茅庵啟闕竹蕭疎竹樹環幽徑寢處東南別室間

卧據繩床不能起
隔窗住予斯須語
家依繡谷枕華林
浮杯偶托毘陵地
不入塵緣不坐禪
渴時便飲飢時食
白雲明月滿人間
人相亡我亡世舉手叮嚀囑再過
歸程屈指一停舸
軒未令隔歲妨談笑
待汝春畦共採蔬
吁嗟老僧何若此
人生會遇何嘗爾
一坦今日且幽燕
后期吾寧輕相許
老僧不覺釋然笑
老僧自老君年少
敢忘相過不盡緣
相思別後燕山道

百六老人歌

淮陰老人坐淮肆
自言生長宣城市
我自犇牛識老僧
老人百六差其次
使者彘彘東帛前
縣官常膳紛紛至

小笠寬衣自在身翻嫌冠冕聰鑣至揆初甲子殺皇年
再閱澄平慶曆間身經化日曾扶杖睢水香山記往還
行開八秩兵戈際犇離去住茫無計雄鎮爭移蔽日旗
列侯競起連雲第丁男按籍點戎行所在流亡郡邑荒
驚烽埃火巖城外漂杵橫尸大道旁滄桑了不關吾事
此身但在仍驅使賣食依然向棘津大齊再屈新來指
君不見榮啟期鹿裘鄙野行自娛又不見淮陰人狡兔
既死走狗烹穠華易向朝陽謝人間壽夭何常也一日
心閒一日安與君俱是長年者

贈金舟王遇鳴參軍

燕山秋老歸程急斜陽驢背衝沙出忽漫天涯共一帆
全鄉偶作同舟客藥藥純素獨南行愛弟新留薊北營
相逢忼慨論前事烽火頻年感聚萍垂髫賤經生術
桑弧蓬矢趨庭習阿翁投筆遠從戎荒天絕徼橫戈入
曆數旋令漢祚移飄零大樹風蕭瑟塞草江煙兩地愁
艱難彼此無消息并州流水合滹沱溟渤奔騰萬里波
鷓鴣擇木將安托履險間關蜀道過枕椰久歷蠻方雨
哀管鳴鏡四郊起幕帳春寒午夜旗殘兵幾隊降王騎
丈夫意氣本難平况復思親泪暗傾元方忍便違函丈
荀令誰為繞膝人山搖岳變羣龍集繡衣兼典諸生籍

賦詩上馬定回羗長蘆又案先人職

東濱公為九徵先生父以長蘆致政

縣官但索水衡錢清吏風流竟左遷
金華莫是股肱地仙令絃歌且十年
南飛鴻雁嗷嗷下音書尺薄臨風發
讀罷潛然擲綬還故園萊舞衎衎作
離會何堪此際心痛餘思痛懷丘壑
迄今塊寢恨終天悲懽轉眼渾如昨
燕臺何用問黃金群從烏衣並要津
獨歸隴畝依鄉邑垂老重憐骨肉分
側聞斯語愁如織天南地北闕河隔
遠道真全歧路看霜楓待染千林色

王君公小印歌為李辰山賦

東湖鑿湖泥若鐵湖底潛靈各奇絕
中有銅章色爛然

千年自諳君公物盤紆螭紐尚分明小篆晶熒漢逼真
唐符晉璽應難並禹鼎秦碑好共論方逾半寸分餘字
牆東隱者安須是湖濱棄置此何心姓名重出人間世
華亭髯李君公傳嗜古不惜傾囊售湖人解事獨持贈
夫乃曠代聲相求魚文鳥跡今亡矣君家斯也紛紛擬
近日名家數雪漁衡山父子差堪比蒼茫工緻兩俱傳
後起徐生法欲兼操刀往往稱詩暇命友時時鼓柁前
談諧玩世無長策每過蓬戶披肝膈廿載尤銜國士心
為予振石頻盈百丁年危病莽經春髯李丹成得再生
徐生問病翻然至託選封門把似君行裝此印還存否

徐生刻意非長有莫向珠樓擲逝流他年定識君公偶

春原行贈周漢慈

春原雨過春泥溼沿溪側徑欹危入華館猶懸五夜燈
風前再案殷勤拍誰倚新聲補豔詞周郎年少風流客
組錦雕心吐絳雲花箋膩粉披薜澤騷壇旗幟近成群
雀起居然翰墨林荆山那便纍纍玉擲地真成處處金
成風妄誕譏前輩瑯琊厯下甘輕退蒙叟雲間總下塵
高談陶謝才還倍君家家學久探微箋釋淵源本捨遺
曾編片玉懷羣從大雅初非世共趨離離隴草俄今昔
東床却憶留髡日孝標鍾瑾每相標向長禽慶尤全席

伯牙琴絕感知音西堂忽羨青鏤筆行矣應推綺練才
勗哉無慕珪璋質

杜鵑和漢慈韻

錦江望斷春流竭征雲遠散西川蛻帝子空分蜀道魂
杜鵑啼遍千枝血繁華庭榭縱離披歷亂春心到處飛
蜂遊蝶舞無情緒只有流鶯戀翠微

挽內侄魏子弟亡相去半載

黑風吹雨長林折老梟夜嘯丹雛滅比翼雙飛入泉穴
地慘天昏百靈咽長夜霜天逼寒月綿綿淚是西河血
憶昨成童托猶子齊肩全列排行齒予歷顛危若姑死

若漸崢嶸邁華晷予衣欲問參同契檢貝還拈六如偈
若裁綺語標文屬猛向驢壇獨摹磨礪花殘錦碎凋秋蒂
凋悵空堂一零涕

登橫山

家去橫山二十里未嘗一到橫山來橫山拳石頗突兀
千年遺迹留書臺石床危因僅容足我始攀援復盤曲
前輩風流不可追蒼茫懷古殘陽促花蹊樵徑儼成陰
下有龍潭百尺深虬鸞天矯山腰路春雨秋霜自古今
十年不赴羣公約美含寅工廩有九日之訂每到重陽興緣發何人
載酒問名山幾迴望遠凭雙硤走馬東山荻渚邊居然

尋勝信晴川能無岐路空山慟
躡躡歸程趁冥帆

東郊行贈虞傳

官

吾甫二十交東郊談經削史識獨高
館我草堂獲晨夕
是悵絕學揚清標同里翮陳子翩然至南湖
施生起鼎峙
近代人宗一會稽斯文未墮追洙泗
四十年来痛存没
我與東郊亦頭白東郊有子讀父書
雀躍才名重東國
連城三獻不得售朱顏白雪黯復愁
文章肯落班揚后
意氣寧從百鍊柔鹽官令尹今潘岳
自出公門盡蘭若
桃李河陽爛漫花一枝更豔亭亭夢
提衡鑑使者鑑俱明
大器真應屬晚成
傷心幾墮陵陽泪
健翮冲霄始一鳴

貧愁我輩旋難問艱危但著潛夫論山樓舊地久荒蕪
薇峯講席還灰燼桑榆汝父過何窮菽水吾兒漸不供
無由老治謀生策藉爾長乘破浪風紫雲往憶錢郎約
髯杵頻過訂耕鑿錢郎身退髯李歸從教祇解東郊榻
秋高鴻雁尺疏來讀罷潸然首重回瓊瑤持贈慚為報
但勉根芽慎自培

代贈許邑侯

鹽官帶水東溟曲西峙吳山接南軸風俗曾傳絕越書
名城近喜紆丹轂河陽花滿客爭前仙令絃歌已七年
西門會報河籌最塵甑尤應比范丹手栽雙柏甘棠並

課成著作桑林盛都下紛稱顧建康垂簾盡日無妨政
培根植本俗旋移誅暴鋤強不自疑涵濡雨露匪朝夕
人在春風總不知繡衣直指交章出鸞臺烏府虛前夕
緩旆還符借寇心龍門幸忝生徒籍飛鳧遺履麗卿雲
雨馴雉刊碑百鍊金為圖鄉社新懸像一進田家禱頌文

哭南庵和尚

我昔渡江息檀度睡翁投分交如故款款臨歧囑後期
三山記訂秦淮渡辛冬飛榜下江州石頭忙問城西路
一江寒月楚天遙來鴻去雁燕紛紛誤屈指睽離十六年
今來祇對虛堂座天風吹散九天花白襖丹旒香成霧

為感河流易變遷
恬波靜浪空迴泝

老人謂予檀度山門之外水深十丈

不三十年淺者十七矣

人生聚散又何常
黯然長憶文通賦
衆香

來合衆香還但追往事
傷心訴猶喜家風屬
後人西湖不改前人步
獨憐泊飄此重過茫茫
長路教留滯不知涕泪
且何從蕭蕭落日垂楊
暮他日西華一吊君千
巖但拱空山墓

和黃魯直蘇子瞻秦少游

虛飄飄虛飄飄巫雲移遠岫
仙島秦橋春雨驅鴻陣
秋霜顛鳳條烽煙客夢紆
青澗環珮天風下紫霄
虛飄飄此生富貴猶堅牢

哭鵬孫

吾年六十新有一成列孫行僅盈十豕孫已廢起者三
羣輩鵬兒賢莫敵八歲今年忽暴亡三齡濟濟先成立
每出分鮮或荐方雙袖攜歸舖頭白吾今長病却兩月
汝正離離削雞骨朝陽顧我必一回吾甫偷生若旋沒
吾昔有親不能事但愧蒼涼削先澤寸土何由析汝曹
或若路人跡睽睽隔依依汝獨未忘吾自應分手留無策
脈脈支床泪暗垂垂楊一帶披迷色

Faint bleed-through text from the reverse side of the page, including characters like '浙', '江', '圖', '書', '館'.

浙 江 圖 書 館

Faint bleed-through text from the reverse side of the page, including characters like '浙', '江', '圖', '書', '館'.

寧遠堂詩集

海昌陸宏定綸山氏著

七言律

田園春日

四首

棲遯何地問生涯
舊業猶存儘自誇
二月煙雲榮柳帶
一春晴雨放桃華
風流彭澤還陶令
潦倒山陽憶向家
天上蓬瀛愁隔絕
人間到處有桑麻

寒雨春林滿落梅
披蓑鋤耨晚歸來
東鄰社鼓三時酒
南土神絃五夜杯
是處煙霞開竹石
就中丘壑迴亭臺
一經歲月容耕讀
老去愁懷每暫開

門對青山掩藹中煙蘿繚繞動春風朝霞忽散千林翠
落日長開萬井紅自昔忘巢憐社燕于今遵渚有飛鴻
五陵年少如相問野築寒塘一畝宮

平臯風暖長春蕪芳草王孫極望孤一自中原紛獵駑
祇令三徑遍啼鳥雄濤瀚海空來往王氣鍾山近有無
尚有田園仍可問故鄉新就輞川圖

暮春二首

垂楊垂帶卷重樓罩戶濃陰綠漸稠自訝芳辰藥銷石
不禁花事老汀洲閉門風雨經時卧故國烽煙萬里愁
莫到最高原上望江南春已不堪留

何處郊原唱踏莎春風幽壑獨行歌
銜花正好新煙後
潦水將深細雨多遲日漸隨天外遠
衰年真向夢中過
支離自笑生如寄每擬閒愁等逝波

答朱近修原韻

入洛才名雅自雄移家泛宅又江東
三冬積雪遲新柳
二月寒雲度遠鴻藥塢種成依角里
酒壚無恙問黃公
從君更索平原飲共看桃花萬樹紅

過鶯脰湖時自姑蘇避兵從湖入

姑蘇南下水煙空縹渺輕帆滙澤中
別浦漁榔爭晚渡
大隄戎馬牧秋風天空候冷回陽雁
地遠江長滿落楓

回首由拳城外柳依然千樹五臺東

病中書懷

靜掩紗綈思渺然青山樵悴檢陳編
煙微柳弄鶯初出日上花枝燕並還
五嶺春雲移澤畔三江明月到樽前
故園耕鑿應無恙笑倚胡牀撫獨絃

陸氏麗京云庚寅春日詩一卷俱病中所成予剛存
二十餘什而綸山僅以書懷入集未免遺珠矣

和長公詠雪 二首

濃陰層暈雨纖纖忽遍同雲律正嚴
風雨起南枝朝舞絮寒生東廓夜堆鹽
荒亭石磴平銀檻幽閣冰簾閃畫簷
入望青山梅正發斷煙深鎖萬峰尖

古木荒原禁獠鴉使君未許駕改車寒遲太素回陽候
氣逼輕霞潤落花野萩殘蘆千里月瓊田瑤館萬人家
青旗酒肆應誰在空有烟尾叉

歲暮步金沙于御君韻

平原雲樹杳綿聯作客愁多思渺然入夜疎砧寒不斷
傍雲清笛響無邊香微古殿縹緲微過日落荒臺枕石眠
時有潮聲來海曲錢唐風雨送殘年

危檣寒掉一帆來屐齒粘霜破淺苔別浦風高吹落葉
空堂煙冷未分杯青含細草催春至香泛梅花待信開
客夢天涯無限恨關山異地首重回

贈龔仲震

間關車馬逐風塵
軋軋征輪問舊津

仲震曾從尊公分守吾郡故國

山川芳草路天涯
行李倦遊人吳江
越嶠千年恨樹影
雲光萬里春
兵革中原渾未定
相逢寧許共垂綸

沈橫槎四十

百里烽煙接漢皋
五陵誰騁少年豪
此日珠鞭空停轡
金字何年擬賜袍
海國秦麻閑夜月
江干風雨動春濤
何當共寫尊前恨
一曲琵琶撥石槽

登大觀臺

層巒峭嶺倚晴空
江澗蒼茫入望中
何處船風迷積水

祗今瑤草發離宮
濤聲忽壯搖寒寺
噫氣長吹轉斷蓬
回首西湖湖上路
銀鞍玉勒馬蹄紅

同明甫先生登雲岫

絕頂攀躋夕照開
風塵此地得觀臺
驚濤暮起鼉鼉震
組練晴疑灑灑瀕
堆瀚海依然迴漢柱
神仙何處隔蓬萊
石帆山色終無改
萬里長雲旅雁哀

李赤茂有選詩之役索我新詩兼訂分題之約

雨霽荒原落日沉
開軒隱隱听車音
長天片月澄秋色
濁酒寒燈對夜深
白雪朱絃看倚瑟
青山華髮愧題襟
多君月旦還相問
漁父新成澤畔吟

陳乾初先生招集澈湖適至錢唐不踐

集董蘿石先生書院

青山寒色迥岩堯有客譚經枉見招明月講堂遺跡冷

白雲哀琴異時調西昌亂後還樵採南國秋殘禁次寥

悵望諸賢正高會獨從江上聽寒潮

總戎何寓公自虞山別明甫南行夜至

空堂明月照寒蘿客自吳門買棹過三疊陽關悲伏劍
一帆瀚海憶援戈支離樽酒風塵內睥睨鄉邦涕泗多
白日黃雲搖落後江南大樹近如何

同孫宇台登西山

青山百仞鬱嵯峨攜手山頭一放歌絲竹廢來還着履

隙駒馳去靖^揮戈危岡候冷楓先墮曲隄秋殘菊未莎回
首暮雲千里碧西風抗手奈愁何

會城餞韋劍威北上

朔風鴻雁滿幽都此去天涯客夢孤久憶王門憐鼓瑟
敢從吾黨問懸弧輕榔夜出嚴城月遙浦秋寒照乘珠
燕市只今誰擊筑觸髀寧許血模糊

孤山廣化寺步韻

山外明湖萬頃秋蕭蕭落木俯寒流潮聲夜動蛟龍穴
雲氣朝迷鶴鶴樓一代衣冠餘俎豆百年風雨自神州
梅岡柳市今何處寂寞西泠冷故丘

吳若谷先生過訪湖上

湖上相過日未殘
論心霜館劇盤桓
爭憐冠服從時便
怯傍烽煙行路難
叢積屈盤馴隱鵠
孤桐搖落聚哀鸞
蕭蕭綠鬢渾如昨
回首花塘釣竿

送偶客北行

飄泊關河未倦遊
風塵何地客堪留
輕舟雨細停罇酒
匹馬春驕響佩鉤
報國十年甘旅食
無家千里敝征裘
魯連城外應回首
拂袖原輕萬戶侯

白方館一草堂

亦作香夢樓

家近東溟遠岫青
角巾韋帶老橫涇
教披徑草留懸榻

來撫分陰喜聚星
仲豫窮來初削史
伯山亂後祇傳經
故人早已屏塵事
試遡春流共采萍

壬辰春日漫興

海內兵戈十載餘
流離城郭半丘墟
蠲租西京須下西
京詔箕斂長懸平
準書故國王孫多
乞食天涯戶口未
安
居五陵躍馬諸年
少馳驟春風織錦
裾

萬國爭傳帝夢熊
先皇親餞未央宮
鳳城曉月擁旄出
塞雁秋風攬轡雄
豈意李陵仍五將
翻憐江總又三公
西山亭障今猶在
回首關河泣路窮

裘馬紛紛興未除
雄文還許後生誇
長河曉霧迷蘭楫

上苑春濃發杏花射策才名誇盛代
攤玄新賦起家
京華冠蓋人爭羨誰向青陵獨種瓜

吳苑名場意轉濃諸家壇坫起相從
江東何地無三虎
濟北今時盡五龍意氣一時推仲舉
風流千載識林宗
黃金結客羞知己苔草春還滿徑封

括蒼持留守遺詩見示潸然泪盡一章吊之

勁節丹心矢不違死生談笑令人悲
江沅半入孤臣泪
閭里空傳絕命詞南國衣冠餘俎豆
北邙風雨暗燕支
獨憐遺舊還流竄長夜哀吟故詩友

偶客偕軒公劉寡又武再至

關河餘律迴氤氲風切嚴霜入塞氛大澤蛟龍寒欲動
空山麋鹿晚攜羣雕弓甲夜開弦月竇絡丁年染赤雲
但使亂離公等在不妨吾輩坐論文

過吳興令朱蓼菴值遊南山不遇

地入三吳儼畫圖秋來遊騎破平蕪棠陰舊接茗谿雨
明月新傳楚國珠洞口煙霞迴短屐湖頭楊柳繫鳴駒
中原鼙鼓堪回首江左誰還擬共驅

過沈定山給諫園居

十載羈雌老故鄉名園風雨對交床尚餘明月柴桑徑
不淺秋陰橘袖香簾外飛鳧將客騎池頭鳴鳳出風篁

閒來欲共長垂釣物色何曾到澤梁

塞上曲

九關飛檄下神州萬國朝宗拜冕旒夜月石宮開蜃氣
春雲金闕動龍舟周原禾黍今時恨禹甸山河指日收
共識元戎親授鉞王師一矢落旄頭

蕩析中原白日淪顛危誰復問孤臣百年勁節風霜后
萬姓來蘇雨露新此日帥幃驅虎豹異時雲閣畫麒麟
故宮久洒銅駝淚苔草將還上苑春

顛連遺舊莽相依折柳津橋祖淑旂玉節未殘辭異域
桐圭無恙張恩輝三山曉日扶雲馭九罭東人覩衮衣

草莽更垂明主意數傳天語自金微

蓬萊宮闕迥岩堯縹緲真疑近紫霄
鮫室曉雲迴漢柱
鵬溟春雨隔秦橋壺漿父老謳歌日
苜蓿園林涕泗朝
獨有枕戈三徑內投鞭無路且漁樵

寄查王望東堯



使君名譽滿三臺出展專城嶽牧才
百里未妨留驥足
單車纔見騁龍媒官衙月傍金牛上
候柝聲傳石鼓來
吏治只今推第一訟庭雙栢手親栽

縹緲春雲接大奚五峰迢遞俯雙谿
故人官隔千山外
遠道愁看萬嶺低棠邑政成名愈起
河陽花滿客頻攜

思君夢繞羊城路共爾鄉心落日西

孫宇台沈甸華邀飲湖樓閣中林衡者在席

明湖晴浪起輕鷗樽酒招携百尺樓客路江山憐躑躅
故鄉兄弟自林丘千城日落聞巖角萬壑風來冷敝裘
最是少年游俠地相逢持贈有吳鉤

寄胡彥遠

圖

羣山如帶俯明湖中有幽人本釣徒十載東陵開絳帳
一時南國重潛夫春雲別墅巢鸞鳳夜月巖城起鷓鴣
四海干戈空未定憐君何地問菰蘆

人日讌集

華閣春寒試錦帷
殘陽晚晚碧雲遲
罇前畫燭沉清漏
坐裏銀笙度豔詞
爭聽啼鶯一時侶
何人鳴鳳萬年枝
江東千載人寥落
此日風流寄所思

一草堂修山樓四集
家麗京震若沈予相
次日至空堂寒雨客
紛紛永夜相思每到
君六代文章歸沈宗
一時詞賦有機雲青
囊競識懸壺市白社
新移誓墓文海內即
今爭問訊故人丘隴
自耕耘

王雙白朱朗詩魏雪
竇錢允武蔣取鴻梁
仲木繼至

輕寒二月柳絲柔
客到空原盡日留
花逕閒雲飛乳燕

石塘春雨下羣鷗
河流近繞蒼溪下
山翠遙分越嶠遊
芳草青青歸去路
垂鞭看過紫驂騮

祝外叔周仲羽夫人四十為六月立秋前一日

大火流金麗日長
先秋玉帳綺筵張
冰桃會解人間熱
雲母新傳海外方
舞罷朝陽分綵服
杯行宵月散玄霜
爭携錦瑟調鸞曲
一鼓朱絲下鳳皇

祁年伯母五十

紫府青城竟渺然
春宵玉母降何年
仙人露掌雲旌外
秋雨金錢泉玉杖
邊璣板八琅
聆法部斑衣五彩進
秋千
祝壽也風流總託千齡後
清史兼傳靜女篇

張木弟南士母六十

棲遲稱爾弟兄賢
鶴髮高堂共隱年
陶宴曉雲收玉草
金庭秋雨種丹泉
花綾屈指璇霄籍
竹簡齋心紫院仙
無恙故鄉兵亂後
風塵慕藿總怡然

野哭

十年長策恨塗窮
幾見秦庭血泪紅
瘴海荒天投塞雁
陰崖斜日蕩氛虹
山川玉篚留遺祀
首宿銅駝泣故宮
寧道五陵終王氣
可知河海尚朝東

屏跡東園爰始樓
即事

癸巳八月

雨霽秋原野色開
小樓凭望迥悠哉
山無近遠青蒼入

樹有煙霞映帶來翔鳳夕陽雲乍合散花朝錦夢初回
生涯久作琴書伴莫更傷時咏七哀

浩浩中原萬里塵桃源那得避秦人山中雲氣華陽閣
洛下風流折角巾中幽壑朱顏悲按劍青樽長日對懸鶉
獨攜一枕容高卧不向人間苦問津

日照重樓靜掩扉空原一望隱晴暉百年舊築還爰始
三徑新成憶昨非極目關河長澹澹當窗楊柳故依依
干戈此日悲行路散髮高吟願不違

塞笳邊管極天涯偏海談經莽獨悲澤國自高明月佩
空山無恙白雲期誰言騏驥能千里倘許鷦鷯穩一枝

舊日騷壇吾自廢田家作苦有新詞

碧紋湘簟冷清秋如練明窗月滿樓元亮胡床還倚笑
婕妤團扇重含愁雲旗遠欲來三峽仙珮長疑下十洲
鴻雁滿天千里道錦書那得寄衡州

畫檻雕闌轉曲廊花陰樹影覆虛牆晴雲錦幄通朝氣
密靄薰籠起夕香鳳吹橫琴移玉柱龍吟叢竹暖銀簧
蕭條不遣秋來恨綠鬢朱顏總斷腸

鏡臺妝罷縮雲鬟一尺青銅照遠山碧海夜珠縹緲合
白雲金闕有無間盛年短槩虛裁賦大藥丹丘幾駐顏
聞道封侯愁少婦深閨往往問刀環

明湖河隱隱拂流霞潤逼輕紅捲絳紗夢斷曉霜羅帳薄
妝成朝日杏梁斜書床彤管芙蓉粉佛閣珠簾蒼荀花
自是玉樓塵不到方壺何處住仙家

荅董得仲原韻兼呈許介甫世叔

百丈橫雲繞鳳凰丹泉五色水湯湯鶴波明月流朱瑟
龍浦晴風卷綠楊縞苧西湖初贈帶芝蘭南國早披香
相逢正值時危日百歲存亡獨感傷

與寅工同客湖頭先歸卻寄兼簡麗京

湖山作客本依樓抗手垂楊縮大隄近海浮雲長聚散
失林飛鳥易東西孤城畫角千門動日落江汀萬馬嘶

更憶茂陵人卧病可曾無恙一招攜

九日率家人刈秫南郊蹊橋坐月

入目高原稷稻香黃花秋老又重陽從教種秫同陶令
始信耕桑有孟光落木孤猿投野壑長雲哀雁唳寒霜
輕舟蕩槳歸乘月自採園蔬雅進觴

雲間訪謝楚琬

共識超宗本鳳毛千金結客譽仍高風流白日論垂釣
邂逅青山解佩刀夢裡十年燕市月樽前一曲廣陵濤
相看不淺秋來恨試借鷓鴣絃撥石槽

湖上秋懷同徐蘭生汪魏美

湖隄入目草芊芊客倦誰還策杖前暮雨衰楊沉落照
西風殘桂冷秋烟長天鴻雁聞清唳別院鴛鴦起急絃
此日六橋曾不改旅懷愁絕易為憐

送王綏山之京

干旗南下紫宸暇玉署秋風又起家官路絲雲纏畫蠲
宮袍紅錦遍盤鴉西園才子攜彤管北院詞臣重白麻
江水芙蓉仍夾岸盈盈交映鳳池花

丁酉元日

榆火春回曆乍移澹雲朝日散晴絲空憐寒暖因時異
未老年華轉自疑亂後慕羹慚奉母愁中柏酒漫携兒

桑田滄海人間世
綠鬢朱顏畏易衰

慰王甥下第

汝父論才本絕塵
吾甥年少亦恂恂
為憐存沒能無憾
豈有文章但誤人
明月夜光沉澤國
碧梧秋雨暗江濱
北堂漫解伶仃恨
行勉他時慰負薪

謝隆傳問病

憶與湖山折嶺枝
歸帆正好及春遲
孝標疎薄多愁白
鍾瑾崢嶸起譽時
柳岸弄流鶯風緩
緩花邊飛燕雨絲絲
感君念我頻相過
野外青驄聽晚嘶

春雨

晴雲初散雨雲平忽有晴雲望外生是雨是晴飛野鶴
新晴新雨過流鶯紛從樹底探春色孰向風前愛落英
我自多情情欲盡多情情盡轉多情

春晴

海外青山入望連巫峯雲淡吐晴煙依依嫩綠團林外
緩緩空花到眼前異地江山愁入望故園丘壑已忘年
生涯萬事俱如夢回首朱顏一悵然

穀雨夜闌得燕銘惠兩山新茗

騎火貽來睡正濃披衣頻啜亦從容西山紫筍應無價
東硤黃芽可僅逢碧梳風清斜起豹春泉雲熟密團龍

潘郎憔悴還憐我望遠晴窗想兩峰

麗京左城移席澗西同蔣禹書張北是

石澗荒蘿一逕通天涯萍聚此山中朝霞屐破千巖翠
暮雨樽開萬壑風散髮是誰輕躑躅振衣何地不龍從
前山忽霽餘殘照矯首明湖入望紅

韜光晨眺

積雨蒼苔曲徑幽憑陵遙入萬山秋金庭鶴鹿時來往
石澗蛟龍自去留遠岫岩光懸海日荒臺搖落見江流
山中年歲休驚訝人世興亡渺獨愁

留白雲書院呈陳貞倩康侯兼懷胤倩

野服誰逃亂後名
早從南國識三荆
燕山明月行携瑟
瀚海秋風坐鼓笙
畫檻畫荒餘石徑
絳帷朝冷對花楹
天涯汗漫兼多病
綠酒青樽恨未平

過呂用晦園居

石磴荒蘿夕照中
頽垣幽絕語城東
將鋤蔓圃留殘桂
不掃蹊雲滿落楓
澤國何人操白雪
天涯無地倚長風
朱顏與爾俱顛顛
愁見寒霜沒塞翁

張元岵先生七哀

落落塵埃迥自嗟
沉冥南國問生涯
高天踟躕仍無地
偏海顛危僅有家
雨積荒原培蕙草
春回幽閣護梅花

閒愁盡託飄蓬外莫向樽前數歲華

異地盤跚恍自疑伯牙絃絕憶鍾期傷心亂後憐交盡
回首天涯轉路歧愁去挑燈還削史興來把酒漫成詩
依然芳草青青發入目周原總化離

鶯蜂鳴鏑莽相侵况復西河泪滿襟
促日煙霜消短鬢衰年兒女易關心
飄風潮落聞胡笛白雪春寒梅蜀琴
縱道曲高應寡和是誰能識郢中吟

簡顧季蔚侍御

三年嶽牧駐江濱驄馬新調侍從臣
燕市雪消西苑月烏臺花發上陽春
中原鼙鼓看馳檄遼海桑麻有故人

矯首千旌分節鉞停雲隴畝盼朱輪

題靈水居

荒臺曲轉畫欄幽石徑春閒許客遊
突兀冠山平弁領潺湲靈水出蒼流
花蹊過雨穿雲入梅圃飄香向晚收
遺跡獨教追往事早傳風雅自南州

幽林晴色染流霞縹緲輕煙閃絳紗
歌舞自荒閒夜月池亭依舊落花朱
簾繡閣留春燕畫檻妝樓集暮鴉
獨向風前倍惆悵隔溪楊柳數行斜

與吳慶百

執手相驚歲月遷披襟回首共茫然
流鶯柳弄啼今雨

樽酒花前話昔年此日韶華逢變亂
早時長翮惜聯翩
西陵芳草垂垂發戎馬何由試錦韉
飄渺春雲落日寒朱顏憔悴莽相看
論交存沒俱難問
玩世行藏總自寬九野荆榛長踞躅
一椽風雨畏摧殘
流離兵燹燒殘後但語遺編泪未乾

吊談仲木

白髮譚經願已違春雲南國旅魂歸
燕山客夢留朱瑟
遼海風流重布衣秘府何年收信史
玄亭此日問餘薇
依依芳草猶如昨回首荒年原隱落暉

與劍石坐凭西閣

朝霽晴窗入望幽仲宣來共此登樓蕭條白日愁中色
縹緲丹楓野外秋尚有驕陽蒸旺氣即看衰梗到寒流
人間敢會天公意今日相逢莫漫愁

至後一日全西樵作

朝起疎林吐淡煙客懷愁絕對花羶陰寒不散侵晨色
憔悴相看未暮年芳草五原凋欲盡錦書千里浪誰傳
江雲海霧迷征雁殆邈湘流問遠天

家景宣同張書乘嗣留將過梅溪問近修病晚至
草堂短章賦別兼簡近修先是胡彥遠留一宿
至梅里俞右吉朱子葆又自梅里至

寒原何意何晚停旌為指文園問馬卿道遠數憑鴻雁信
天涯真屬弟兄情青山雨歇收殘臘白社人來撫落英
欲寄相思獨愁絕江梅春早自盈盈

慰山人梅鶴雲

每託春愁到海濱因憐歧路轉傷春三時風雨頻多病
十載肝腸誤向人按劍可能忘涕泪鼓刀寧獨負沉淪
耕樵莫為謂非生計待爾浮家此卜隣

梳妝臺

明湖春水白紛紛遠笛疎砧到處聞舊國鶯花猶似夢
荒臺風雨只堆雲衰楊拂岸舟難繫蔓草迷天路不分

莫辨有無千載事我來長日吊西曛

春盡

杏雨榆烟日漸長一春消息竟茫茫
樽前自吐青山月鏡裡愁分綠鬢霜
敢向芳洲攀杜若親從幽壑種都梁
鄉珩欲作貽人佩縹緲征鴻帝子鄉

訪茹穹子



汎宅江東幾墮驢分湖春雨下千蘊
交游紫府通仙籍弟子朱門引後車
雙燕自遺南海履曾守南粵五雲原接上
真居青山只在人間世遙指蓬瀛玉洞虛

茹師席上步及彤寶韻

積雨青城紫霧開
重闕縹緲化人臺
東浮海水連天盡
南起山雲入座來
金醴竟從銀闕散
輕霞初蕩夕陽摧
分明共向邯鄲路
更指方壺首重回

過魏文讓時卧病未起

城內甲第迴相望
幽絕柴門水一方
公子新聲歸月旦
先人遺澤見羹牆
流霞日散扶桑色
過雨風飄杜若香
空向草玄亭外問
文園猶自倚藜床

曉別蔣亭彥值從錢氏罷宴初還

雨霽朝煙積翠微
將行還叩故扉人
明湖潮落帆爭發
畫閣星殘客醉歸
繆水第昆才並見
湘鄉忠雅志全違

依然把袂難為別，目送城西倦鳥飛。

審山呈鈞叟

東山斜日晚，盈盈勝侶如雲聚。友聲幽谷春陰來，集鳳
疎林晴色織流鶯。相攜紫勒垂金絡，乍撫朱絃鼓玉笙。
懶性獨違知己約，偶陪佳會不勝情。

一曲能移四坐情，聽來真作斷腸聲。紛令簫管齊齊發，
但入宮商字字清。撫瑟未教悲帝子，吹笙何必為秦嬴。
衰年自廢絲絃興，暫教放春愁向渭城。

入慧公講席

時同人俱至梅溪，赴伊璜約，而公將罷講，若行。

每聞玄言妙辨中，音聲俱盡義何窮。

是日講金剛第六分無生境。

入三緣斷不住心從五蘊空慧殿春雲縈勝地靈花斜
日動微風年來欲托東林社精舍時過遠公

過雨青山晚色開山橋停楫獨徘徊誰從鷺鳳微聲去
自引蛟龍聽講來齋閣罷分香鉢飯天涯將擲渡河杯
溪雲遠接蒼南路一為淵明首重回

和王綏山白門歸後詩用原韻

命駕南邦及暮春青山歸路頗相親從移金馬來分節
肯令銅符此係身投版自臨軍旅後縣車真見閤門新
煙霞故里應如昨負郭郊原早定隣

春雨江臯散綵籠長雲縹緲汎征蓬東山便欲留安石

南國何由借寇公
九野氛氳還削跡
千門機杼自歌功
甘棠蔽芾存遺愛
盡道隨軒見舞鴻

南北驅馳已倦遊
抽簪仍憶五湖舟
春霜自返陶潛宅
明月誰同庾亮樓
暫託煙波遼海日
曾培蘭蕙楚門秋
朱顏早出風塵外
養晦何妨任去留

敢向蓬瀛問十洲
山中歸放憶巢由
還開薜荔裘羊徑
得倚河梁李郭舟
近海煙嵐頻作雨
嚴城亭閣易驚秋
春風賦就應懸紙
一字千金邈孰傳

崔嵬誰起故宮噫
築就山峯旦似眉
皓月寒林迴淡蕩
青霜玄圃自紛披
春闌日暖鶯啼疾
柳外花濃馬去遲

一據繩床吟嘯罷須教常命酒千卮

官衙多暇賦分籌客向淮南每逗留
獨寄音書鴻雁候相驚搖落荻蘆秋
覆旌政罷檐幃靜小閣春閒錦幄稠
直欲故人時把袂未教虛泛子猷舟

西水蘭亭禊事修天涯十載寄離憂
南藩露冕垂新政上苑縣鈴記舊遊
自托彤闈來馬渡竟辭青瑣出羊溝
于今早更營三徑故國川原好共求

朔風南下引長榆何處風煙好自娛
羌管暮雲吹北塞江潭流日下西虞
中原戎馬春猶動偏海桑麻術未迂
盡道皇華完使節歸來六轡總如濡

午日

香蒲把酒不勝情
浴罷芳蘭意倍榮
荆土依然傳艾虎
漢庭誰復見臯羹
新盤九子紛貽餉
織組千絲總厭兵
不散婆婆江上怨
江濤猶雜管絃聲

飲綏山宅

榴花珠麈晚含煙
闌勝香茗聚綺筵
令節每逢兵亂後
故園猶及酒樽前
新黏未許陰陽散
綵縷看教日月懸

荆楚百索繫擊繪
有星辰日月之狀
欲吊靈均空有賦
三閭飄渺隔湘川

寄蔡西樵兼簡徐伯調李兼汝毛大可柳奕喜諸

仝社

河梁殘臘送歸舟，遂阻間關汗漫游。
襁去憐雙鬢改，寒氊來托十年愁。
江涵越岫春陰暮，地入吳歛野色幽。
莫向樵徑戀麋鹿，薜蘿今雨待羊裘。

相攜曾憶訪霓旌，爾向春雲採日精。
碧澗自分姑射草，叢霄如奏鳳凰笙。
謠來紫輦窺牕見，宴罷真珠擲地成。
別後蒲團天際遠，更無消息到蓬瀛。

若耶迢遞美人居，蘭渚觴一念余。
偏海煙嵐游客倦，中原兵革故交疎。
山川總隔經年夢，鴻雁虛銜尺素書。
回首錢唐江上路，可能無恙聚樵漁。

方謀江右之行，則侍老母湯藥者四旬餘矣。遂寢。

西游并荒研墨中秋之夕獲治家筵倚席漫成

短箋試筆

每撫良時莽自憐中天澄月幾回圓旋開令節商秋讌
得進高堂午夜筵多病已忘秦甲子倦遊空問楚山川
家園但使總無恙菽水猶能慰暮年

圖

江

浙

寧遠堂詩集

海昌陸宏定綸山氏著

七言律

送六妹還寧

更闌移席起逡巡，畏聽晨鐘墮桂輪。
漫道牽衣真惜別，相看含咽已沾巾。
空留舊屋池亭改，漸入中年弟妹親。
况我多愁頻卧病，可禁回首獨傷神。

晚上大觀臺

眺倚荒臺落照紅，殘山猶憶霸圖雄。
參差城郭興亡后，迢遞江湖指顧中。
風急沙汀飛白鷺，天空漁浦墮丹楓。

誰憐阮籍還長嘯滿眼荆榛總路窮

九日自錢唐達寧邑東還

聽罷江湖又海濱歸帆搖落及佳辰
教傾九日尊前酒漫遣千秋自命人
亂後鷺烽頻塞路操殘哀瑟獨傷神
憑高望斷荒原外欲採黃花地滿榛

晚發鹽官



單枕禪燈徹夜紅藍輿初出未張中
平沙渺渺移寒月野荻疎疎定曉風
九土煙霜迴慘淡二儀清濁辨腫臃
青山是地皆戎馬轉笑生涯首自蓬

王亦世招飲湖舫全王允綸劉正修胡雍凡潘雲

從諸子

名筵畫舫出中流乘興相攜百尺樓
客裡自裁王粲賦
樽前來共季膺舟風牽水荇輕波蕩
雨洗山雲晚色幽
醉罷青驄何處路西陵松柏不勝愁

全劍威集綏山宅

圖

歇雨輕陰欲暮天開軒初雪乍迴旋
寒侵客舍移幽閣
意愜尊前醉綺筵愁絕鄉心流畫角
操殘郢曲撫朱絃
年來問字頻相過端為揚雲近草玄

王鶴仙都諫見訪

仙郎持節出承廬
典中垣屬集書東觀
早傳尤季賦

南陽初返郭丹車歸逢秋雨梧桐落來撫寒雲薜荔疎
愧我飄蓬愁旅鬢明霞容與下干旛

送王于一之越

旅鬢秋霜任轉蓬西陵殘月渡寒風依然流水蘭亭外
自買扁舟剡曲中潮落暮雲沉海日氣蒸朝雨見江虹
愁時莫作南游賦漫向天涯慰路窮

送方行士公祖北上

凍合河源雨雪霏使君赤鳥早几几驅殘昔愛鞬鷹下
委版今疑鬻馬歸獨傍寒雲淮海路旋依春色薊城暉
南邦未盡蒼生望矯首旌旄四牡駢

七日還自吳門值賴庵歲集歸帆迅疾賦簡同人
椒花柏葉滿春盤誰倚輕柳汎夕瀾客路風煙何自苦
故園樽酒若為歡深憐斷梗尋游倦漸覺衰顏入座難
皎月明燈還後約青山倘許借盤桓

仲春雜感

圖

伏枕人間歲月催薜蘿空館自銜杯雕戈紫塞烽猶動
錦障青山夢未回江渚煙霞培野蕙天涯風雨落殘梅
春來盡是牽愁處漫有微吟意轉哀

河流二月俯驚湍不散陰雲朔氣寒漫道雲霄飛日馭
敢因春雨問泥蟠三山總怨秦橋隔九坂終疑蜀道難

丘壑自從塵世外向來愁緒更無端

三徑頻年獨掩扉春泥苔滑過人稀
天荒魚雁無消息金盡交游有是非
百尺晴雲繡史閣一溪明月釣漁磯
何妨歲序看炎冷懶性由來與世違

王介人進士南歸

三月繁花滿上京長楊賦罷出承明
何人舊擅東山譽

綏山歸自白
門已經年矣

此日先成小令名

介人為
任齋弟

蘭省春陰縈雁

塔珠宮晴色敞霓旌泥金况屬烏衣巷
江上青峰引畫

楹

鳳城春暖送丹騶畫艦長河俯急流
變後魚龍隨伏躍

歸飛鴻雁好浮游
紛傳綵筆看誰並
及爾朱顏儘自由
今日雲泥還獨慰
故人生計穩林丘

寄壽虞山大宗伯

簪筆先朝識履年
親從天府踐中垣
山川變後留泉石

戎馬時危自管絃

南還後與河東君
倡和拂水山庄

白髮千秋論事去

青樽十載向人前
于今四海紛謠祝
欲寫憂心總未然

場圃儀型絕代誇
蜀文垂劍想天家

黃石齋先生推先
生海內文章第一

芝蘭岐路推殘日
桃李公門爛漫花
金谷曉雲迴妙舞

瑤池秋水

雨

醉流霞玉書好
向靈簫得不取
丹砂駐鬢華

石馬秋寒故國悲
江蘿薜芷更貽誰
文章噫氣還天地

丘壑風流且歲時夜火尚餘天祿閣深雲長護峴山碑

甲申金陵之難先生一言存活者數萬家期頭跼蹐心難問異地何由採玉

芝

自昔河梁問轉蓬因攀楊柳石城東敢言過穎違陳寔

計託登龍愧孔融舊雨欲移滄海鳥丙丁之際從故人向吾里覓居仙

臺仍隔錦帆風南山把酒遙相望縹緲方瀛紫霧中

贈繼起大師

青山幽壑俯湖濱策杖偏隅遠世氛花雨自移龍象座

鉢飛仍挈鶴鷺羣熊魚山張靜廣諸公俱隨至金粟千巖倒海扶殘照

一粟中天補斷雲吾向上方聽夕磬塞姑邊角起西曛

過張方孺

十年虛問故人書，得向玄亭一駐車。
南北舊游鋒鏑路，

澈湖分南北二湖

東西幽築弟兄居。

向方相去里許

山雲冷逼丹楓墜，

澗氣秋殘白雁疎。君自數椽丘壑內，風煙渺渺正愁予。

避盜鵲州漫成自遣

圖

仇離何地許相依，未向薇南署短扉。
塞雁北飛雲漠漠，山鳥西下草萋萋。
烽煙歲逼寒炊斷，禾黍秋空野燒微。
一上層臺還極目，鄉心斜日戀漁磯。

愁來幽閣獨憑陵，半菽歡違恨每增。
客路曉霜懷白髮，巖城宵月隔青燈。
江寒日蕩濤初沸，候冷天荒地始冰。

何日草堂仍掃徑故園慕粟好重蒸

全朱康流過曹穎庵

浮家來託紫山隅檢水鄉心客夢俱未是依劉懷美土

每因陪鄰感靈珠清霜絕塞無傳火何日中原好並驅

杳杳百花橋畔路長春林木隔西湖

歷城大明湖一名西湖時記所聞爾

辛丑除夕示慰西珍回

故園風景遍除回歷歷寒飛玉琯反霜鬢欲隨殘臘變

陰雲如待曉春來迎儲我為思親廢備釀君尤逆泪開

縱道烽烟方未定嚴城應起望鄉臺

冬月老母避盜寧城

壬寅元日

依然三朔遍寒郊
旋展微陽剪徑茅
歸後閒門空葦縛
驚餘游魄使錫膠
霜天客夢凭漁淑
春草鄉心總燕巢
敢取屠蘇開歲燕
北山何日進山肴

外母遷居兩硤遂棄人間朔二日延佇其門短章

當哭

圖

烽火浮家已暮年
天涯垂白畏顛連
從辭綺閣難為別
遂引飛鷺竟不還
哀角斷雲沉澗氣
衰楊斜日散溪煙
直教掌上拋珠去
回首生前轉自憐

衰年多病每移白
未展愁懷永夕晨
束手漫憐身後事
關心難割眼前人
寒霜夜墮思鄉泪
斷梗春飄異地塵

今日韋臯端不遇應從泉路惜徂貧

定省寧城舟中志感

輕柳風聞海門霞來過城西道韞家萊服自憐今日舞
潘輿空問故園花春潮曉落浮兵氣候管霜消感歲華
未許柔孤辭膝下顛連何地可桑麻

西珍留峽荆璐乘月西還

依依停織紫山濱愴恍斜陽去住身單枕燭花回旅夢
孤蓬弦月照歸人愁從玉鏡收殘泪病減冰顏畏及春
兩地已教操別鶴高堂懷子一傷神

七日得衛公書詩以答之

多難相看世路艱廿年遊屐罷間關相攜紫峽霜前月
自返青荇夢裏山雁沒塞雲寒客鬢槭飛春色破顏顏

于今把手垂綸地那有漁榔更往還

爾去裘羊徑草稀虛春風惟悴轉憐余經冬客舍炊旋斷

十日天涯計漸疎煙月西陵殘獵燒山川南國尚車書

荒蘿舊地能懷否別後愁心總未除

元微之賈江陵作放言長句白樂天謂前輩詩人

未有是作遂從潯陽江上屬和五章二公之意

蓋可知也初夏懷抱日惡無以忘憂效為茲體

什亦如之似觀作者一斑爾

得個閒來事事宜
編籬鋤圃是生涯
人間歧路休疑我
物態由他莫問伊
過眼浮雲杯底去
到頭明月鏡中移
洪爐造化茫無所
識破真同一局棋
電閃星奔隙日過
朝真夕假竟如何
看來萬事枝頭露
直到千秋水上波
芳景逼人三月暮
青春誤我十年多
從今殆擬生前累
遇酒逢花但歌咏
行吟坐嘯每茫然
春雨秋霜枉幾年
但使窮途留短髮
不妨高枕托殘編
朱顏折取千回醉
白晝貪偷一晌眠
只有青山難負汝
那容長物苦相牽
長驅無地爾逡巡
蓬矢桑弧笑此身
路險故宜停短轡

江深不覺有潛鱗布衣王蠋徒狗國七首荆刺莽向人
縱道操刀須一割男兒輕死亦何因
好着樵蓑戀舊丘還隨漁艇放安流未披荆棘教難住
不吐絲綸那便休多病漸愁寬韋帶倦游先惜敝貂裘
算來名利都無味猛雨江帆急急收

山曉過訪却贈

殘夫行錫激秋泉向我漁燈鼓法舷孤鶴自依金殿月
閒雲還散御爐煙西來師弟分王座南返袈裟息外緣
欲託遠公投淨社却愁身世兩茫然

懷景宣江右閣伯閩中

頻年游筴每西東生計天涯轉未工
孺子高亭荒閣變越王山冷舊城空
鄉心旅雁清秋後客路江猿皎月中
西塞烽煙聞漸逼散花洲外引長風

晚入臯山與凝庵義宣紫沈

側日危檣卷夕霞輕裝移屐指山家
秋高路滿蹊田蕨夜冷香流月殿花
斷巔頽雲穿旅雁空林殘棘失棲霞
山僧絮語傷心事坐久挑燈泪未賒

過煙石居同王右朝

竹塢深林幾度攀依然流水自潺湲
桃花已失秦人洞桂樹應殘楚國山
遙漸秋明分島岫危巖天遠見江關

攜羣過雨蘿藤坐手採新茶每倦還

湘湖同西樵于壻館

曉霧明湖疊嶂開秋風端為菜蓴來霜披浦草魚龍靜
風起汀蘆雁鳧迴石墮已荒王會跡金錢泉還貯化人杯
相尋許詢山中室指點蕭然滿綠苔

輓梁仲木

落拓征裘問遠津十年詩酒托風塵何來秋雨論心日
并滅天涯易姓人隴草自荒愁挂劍原銅中斷獨沾巾

公實為泉臺夜炤燕山月莫放歸魂易水濱

壬寅除夕

臘盡春原凍月開晴雲融雪放寒梅沉香望斷宮燭玉
玉琯飛殘漢殿仄漸改朱顏頻顧影將添華髮漫銜杯
風光暗向空中換明日明年首重回

癸卯元日

送罷寒宵及令辰平明盡漏起逡巡旋增兒女心前累
自毀衣冠物外身畫虎縣羊仍會歲絲雞蠟燕且迎新
屠蘇一進高堂爇爰採靈芝上五辛

會城與黃晦木高旦中胡彥遠陳胤倩

獨掩柴門久自憐偶來城曲共流連闕山戎馬餘塵蹟
湖漸交游盡眼前雪后春陰寒不斷花殘江雨客俱還

津橋楊柳垂垂綠
婉轉猶含日暮煙
時陳又有燕山之役

贈別高雲客歸閩

天涯何路不塵埃
五嶺誰還躑躅來
賦草西園才汗漫
倦游南國客徘徊
江風漸緊歸潮急
山雨初殘晚岫開
此去鄉心戎馬外
甌蘭越柳易榮衰

湖上全錢元佐

豈為秋江及采蓴
明湖蘭楫傍城闈
于今野服羞違步
自我寬衣此側身
風起鮫門濤似雪
霜飛山閣雁依人
溪南嶺桂權殘甚
尚有殘花客問津

留別錢翁

每到西湖迥自疑
谿花隄柳更離披
孤城霧滿侵游屐
單枕秋炎逼夜棋
獵罷行營傳感采
罇前別引醉醪醅
歸帆雨后河流合
睥睨青山囓后期

中秋坐月

桂花風動好銜杯
雨過當軒霽色開
入夜寒光流薜荔
中天澄月敞樓臺
綵蘭鸞欲為文簫
下水雁還尋酒客
來漫道秋高催作賦
湘江誰惜楚臣哀

登裴院塔懷秋岳陽和

憑虛扶杖祇茫然
一再攜群憶往年
雲合篆煙盤絕頂
秋高香雨散諸天
雕欄自合詞人座
白雪慚投和郢篇

今日更誰能唱調山川縹緲隔幽燕

從長生庵穿放鶴洲出南湖

明湖如練組晴光郭外池亭水一方自引新流迴畫閣
乍移朱檻傍輕柳霜凋桂圃香初斷氣冷楓林落漸黃
回首城南棲息地晨鐘齋罷尚朝陽

文白自草堂至近修村莊

積雨秋林薜荔深扁舟懷舊此相尋浮名欲削生還日
往事尤寒痛定心終擬刪書留范擘非緣詆草愛陳琳
從茲塵外攜全調漸撫衰顏泪滿衾襟

癸卯除夕奠荆璣

入夜褰幃綺閣虛殘更促律渺愁予杓移泉路猶回否
候改丁年早待除霜鬢欲隨雲物變陰寒不放柳條舒
思君此夕腸應斷地老天荒飲恨餘餘

長夜哀絃已罷彈朱沈金簿總愁端桃枝戶外催殘臘
柏葉尊前感昨歡綺館尚留衾枕在鉛華空對畫圖看
衰年兒女還堪慰念汝歸魂九地單

複帳殘燈曙欲開宵闌仄瑄畏春催燭花燼泪愁相向
畫鼓敲更夢未回雲影忽移桃脫變天風如引虛步來
烽烟滿地慵朝起朔色何由到早梅

元旦書亡姬几次

往事真同景物移，朱顏憔悴轉支離。
雲藏巫峽無消息，春到人間且歲時。
一壑未捐身外累，五香終惜鬢將絲。
江花路草依如故，但把辛盤莽自悲。

人日 立春前一日

小雨朝回朔氣明，靈辰初雪舞花楹。
南天臘盡逢人日，西母圖成且菜羹。
帳底乍看金簿遍，釵頭還試綵幡輕。
春風欲入雙蓬鬢，自撫青韶意未平。

花朝即事

遲日文窗午睡慵，迷奚雙眼漫扶筇。
花枝欲放如人懶，春色將酣似酒濃。
野菜自編荒草徑，村春忽起夕陽鐘。

驚心美景頻辜負樽酒何澆塊磊胸

西珍奠母東還却寄

鶯花三月未深春
疎雨寒煙數夕晨
舊閣汝應形自吊
殘燈吾更影相親
終天欲迸三年泪
隔歲難忘九地人
今日比肩還共慰
前隄楊柳是歸津

甲辰清明三十六歲初度 三月初九

蓬窗晴日理殘編
一榻窮年漫草玄
不謂生辰逢令序
即看春色到尊前
桐華自應三陽候
榆火新分九陌煙
走狗鬥雞懷往事
亭臺歌舞更茫然

柔風微綠長新苔
漸改韶華綠鬢催
一百六日春欲去

三十五年愁未開
天桃豔李飄殘後
燕語鶯聲歷亂來
滿眼繁華容易盡
從教收拾故園萊

扶病入城全黃九
煙朱康流徐友兼
飲元崐先生寓潮
信日抵家據床第
秋社強起漫成簡
示全席

天涯萍跡傍城闈
歸卧蓬扉已浹旬
疎雨清樽吾病態
高秋叢桂旅愁親
畏令霜露移來序
若為乾坤愛此身
拍岸狂潮還入目
茫茫何處濯龍鱗

五妹忽得狂疾中
元乘月往視歸且
疾作矣陳六
隆傳捐惠參苓小
詩誌感

往事新愁入夢看
明燈長夜泪如瀾
畏塗門內披荆棘

戚友襟期紉杜蘭百尺煙霞容獨臥寤千家砧杵又迎寒
依依禦水城頭月採取孀娥搗大丹

周榮谷病中索贈

伏枕真疑歲月賒故人相隔又霜華依然七發思吳客
倏爾經年感趙嘉春雨筆花回午夢秋風庭草貯流霞
愁予研墨塵生日一為濡毫一倍嗟

中秋

萬里陰晴着意看那能佳節放愁寬自聞雁唳懷兒病

穢兒卧
病語水

一對宵筵愧母歡甲帳風迴蟾魄入瓊臺雲捲

鳳笙寒支離杖履敬危甚却據胡床到夜闌

凭欄忽展桂輪高歌罷霓裳更廣騷偏解亂翻蓬島月
曲江那聞廣陵濤何人擲杖來仙闕有客銜杯自濁醪
賦就隋珠還破夜天風縹緲送雲璈

王皞如八日載菊至且邀詣田林

九日丹楓點落霞扁舟來問野人家柴桑敢待江州至

元禮還從僕射誇甘谷却嫌潮后液南塘花種俱盡于潮玉筍應

惜露寒葩南山近有佳本鶴林倘赴明朝約二女親分閨苑花

仙人洞示楚庵

雨霽晴山入望開春林縹緲白雲隈風殘洞口人何在
日爰丹梯客自來斷巔岩堯蟠虎豹諸天迴合迴樓臺

攜羣若更憐歌步倦倚飛流枕石苔

全曉公陪木師山行

披襟入座許留連攜我還登百尺顛却自深林開淨社
即看飛錫撼奔泉

師以拄杖探
龍泉逆流處

山川斬伐呈形后溟海

微茫到眼前欲向此中窺造化好移幽築白雲邊

別曉公

圖

春陰垂蔭曉盈盈欲雨春煙處處生聽罷齋鐘回旅夢
分來雷英逼人清天風卷霧移幡影山鳥銜花祖客行
一自遠公招入後攢眉應共笑淵明

別沈鳴天時期王鶴山范文白不至而元伯武仲

秋涓以雨後期

萍梗懷人夢寐全
投桃貽李此山中
別來幾隔荆榛路
老去相看旅鬢蓬
會有宗雷違社約
豈應咸籍並途窮
鳴橈瀑送前溪漲
不盡垂楊日暮風

別谷庵楚庵



為訪友公感舊歡
一時龍象許盤桓
千花並鬥三春豔

五分俱愈百尺竿
望裡長雲開楚岫
楚庵楚人也思歸楚尊前明

月俯燕山雨一時津橋楊柳依依在
矯首東風抗別顏

送王望南還却寄

廿載雲霄尺素稀
竹林吾昔忝相依
那知阮籍窮途日

又見山公啟事歸春雨西垣連瑣闥秋霜南國護慈幃
溪橋小築能懷否自種垂楊已十圍

答吳慶伯韻

禾黍秋霜正掩門蘭橈乘漲指花村相看客鬢因時換
却放愁懷似酒渾江渚自我衡芷在天涯真畏姓名存
風塵世路應難問古處從君與重論

中秋

中氣初分刻漏均在糕兼及雁來晨乍開甲夜千秋鏡
旋擁仙宮五色輪天柱峰頭還備具廣陵江上定何人
從他兒女樽前態且盡新來適意尊

邵靜山尊人六十

澗門東望美人家
遙指仙源水一涯
玉帳自分王母宴
斑衣還植上陽花
百篇盧嶽新成集
五色東陵尚有瓜
惆悵明湖湖上路
秋風吾欲煮丹砂

歲暮過查王望黃門

逼歲閒愁思渺然
扁舟懷舊發殘年
故人宦後情愈見
顧我才疎拙自憐
縫掖敢驚皇甫卧
河梁空羨李膺舡
先二日黃門
取道吾里多君生計還相憶
饘粥今無郭外田

除夕立春漫成二什

雨霽寒原曉氣開
晴風持杖打灰堆
欲令愁思如年盡

且喜春陽應候回，銜幟刻龍何地進。
鬪籌飛燕傍人來，吳儂莫賣癡獸去。
為報銜頭曉箭催。

屈指流年莽自驚，坐編殘帙對殘更。
便應來日長逾昨，但笑回頭已半生。
仄管暮雲催綴勝，辛盤清夜祖愁城。
燭花燄淺侵寒重，未放寒盃曉漸明。

答聞子上



暇日相攜入爛柯，鏖兵欲借魯陽戈。
旋開宿雨敲雲破，乍長春潮潑案過。
問易喜逢袁虎在，推枰無奈茂先何。
夷然命駕知何日，為報東山歲月多。

送曉公北行

一秋春雲傍遠天
離愁款款故人前
山川自歷曾游路
花柳應疑再到年
座裡行旃殘雨後
懷中疏草寸心懸
劫灰已遍爐香冷
侍女歸分紫殿煙

全曉公

粟兼贈岸公

春山宿雨自煙蘿
折柳津橋此地過
師命獨辭黃鶴嶺
君恩猶憶白狼河
輕裝共喜來還便
故里相看去住何
羈席行旃俱氣象
青青芳草一番多

曉公臨發以嶽公見囑因寄嶽公

曉雲含旭曉嵐清
念舊愁將贈遠并
杖底鉢瓢荆棘路
山中先後弟兄情
梅花夜月迴吳岫
楊柳春煙傍薊城

寄語相尋新佛日黃牙旋折笋初萌

宋人遠出北征詩見示

旅邸奚囊字字新披襟歷歷紀行塵煙雲染就山川色
雕繪鋪來錦繡春白雪自成游子賦朱顏為撫待年人
明珠總抱連城價上郡終償絕世珍

金沙于御君偕令子仲長來其幼子為予壻也

三徑裘羊路漸賒春風重引故人車別來霜露成今昔
但撫鶯花感物華萍梗客懷愁雪鬢鳶糝殘泪問蘭芽
相看函丈駒千里待共吹簫向澗涯

仲夏^夏世經堂限韻

平野陰成隴麥齊相攜多暇命新題
炎風欲煽蒸梅雨
水蓼將紅滿菰溪坐裡草深玄閣外
花邊鶯轉畫橋西
藥欄早就年來計且傍朝陽採蒺藜

送子上游閩疊前

炎方南去萬峰齊正好新詩到處題
策馬夢迴亭步驛
計程山盡大樟溪江陰積翠層城外
潮氣消炎閩苑西
到日荔枝須絕食未妨行閣更然蒸

法乳從玉弟促筆

疎風冷雨織愁城宿鷺來鴻夾路迎
朽壤自曾留慧遠
黃花無恙待淵明回塘小築秋蔬熟
野菘平波晚檝輕

疎林冉冉待寒黃
遲我題糕懶未妨
露館脫冠成別會
霜鐘斜日擲重陽
桐陰月上飛殘葉
菊酒宵闌泛滿觴
莫道絳囊深繫臂
至今雞犬笑長房

寄黃太冲

把手尊前意未平
將歸游筴客愁縈
漸令吾黨成能薄
自輓斯文愧后生
黃石一編何日就
澄波千頃向人清
孤蓬去指明州路
且署山扉賦兩京

雪夜硤川歸舟

肆日衝寒興不窮
迴塘漁火夜沉紅
風前雁鷺孤蓬外
畫裡山川太素中
玉馬金羊何地得
瓊臺瑤館盡凌空

焦先露寢袁安卧何似扁舟指剡東

贈洪日休

春林宿雨破寒煙曉霽柴門履蛩然
蠖屈祇應吾避世
鳳衰安問客稽天將終渭水垂竿日
欲挽烏衣斬澤年

洪有東南文物
盡鍾一門之譽

白雪調殘愁撫瑟為君繞一鼓朱弦

春入

斷文字緣為
洪生始試筆



笠山與山曉

黃鶴春雲拂袖東萬山如畫五湖中
到來香徑諸天外
自愛山形兩地全剪棘披茅成往事
種松鋤竹又元功
相逢忽訝經年別回首津橋日暮風

全谷庵過虎丘

錦帆西指白隄斜，澗湧峰前水一窪。
十載復尋曾到路，春風吹落待殘花。
披襟欲踞生公坐，策杖還推貪別墅。
霞攬勝，獨攜方外侶。曹溪黃鶴並堪誇。

過玄妙觀

記道城東舊跡存，巍峩今欲俯千門。
瓊臺迴插三天界，紫殿分標五嶽尊。
霞起赤城雲乍合，香銜飛閣晝常昏。
桃花前度曾栽否，一到玄都已斷魂。

寄錢聖月

舊築東湖日月邊，野花無恙小溪煙。
知培薰草歸霞嶼

忽遡湘流引鐵船四月陰陽移促日天涯兄弟各中年
蒿萊一徑能懷否况復楊雲自草玄

浙 江 圖 書 館



浙江圖書館



浙江圖書館善本

乙登記號：014798

一九 年 月 日



浙江圖書館



浙江圖書館



浙江圖書館

